

摘藻堂四庫全書薈要

子部

欽定四庫全書薈要卷一萬一千八百七十一

子部

御定淵鑑類函卷四百二十三

鳥部六

鳥鵲

鳥一

原爾雅曰鵲鳥醜其飛也翔

又曰鳥鵲醜其掌縮

飛縮

脚腹下

又曰鵲斯鵲鵲

楚鳥也又曰雅鳥小而多聲腹下白

又曰有燕

鳥山鳥炎鳥

又曰鷦山鳥

鷦似鳥而小赤背穴乳出西方鷦音濁

又

曰燕白脰鳥

春秋運斗樞曰瑤星散為鳥

又曰飛

翔羽翻為陽陽氣仁故鳥反哺也 許氏說文曰鳥孝

鳥也 雀豹古今注曰鳥一名鷲鳥 通俗文曰白頭

鳥謂之鷲鷲

鷲治八反

詩義問曰有鷲鳥

鷲音匹

雅鳥楚鳥

也 增格物論曰鳥雅之別名種類亦繁有小而多羣

腹下白者為雅鳥有小嘴而白比他鳥微小長而反哺

其母者為慈鳥大喙及白頸而不能反哺者南人謂之

鬼雀又謂之鷲鷲又謂之老雅鳴則有凶咎 禽經曰

慈鳥亦名孝鳥比他鳥微小大嘴鳥唇又云鳥之巨嘴

者善避矰弋彈射 本草釋名曰烏字篆文象形鴉亦

作鴟禽經鴟鳴啞啞故謂之鴟此鳥初生母哺六十日

長則反哺六十日可謂慈孝矣北人謂之寒鴉冬月尤

甚也 本草集解曰慈鳥北土極多似烏鴉而小多羣

飛作鴉鴉聲烏有四種禽經云慈鳥反哺白脰不祥大

觜善警黑鳥吟夜又云烏鳥背飛而向啼也又蜀徼有

火鴉能銜火 又曰古有雅經以占吉凶然北人喜鴉

惡鵲南人喜鵲惡鴉惟師曠以白項者為不祥近之

酉陽雜俎曰世有傳陰陽局雅經謂東方朔所著大略
先數其聲第一聲即是甲聲以十千數之辨其急緩以
定吉凶 又曰烏鳴地上無好聲人臨行烏鳴而前引
多喜 又曰邑中終歲無烏有寇郡中忽無烏者曰烏
亡 埤雅曰鵲見虎則鳴烏見異則噪今人聞鵲噪則
喜聞烏噪則唾以烏見異則噪故唾其凶也 孫武子
曰烏起者伏也烏集者虛也傳曰鵲喜稠鬧烏樂空曠
俗云鴛交頸而感烏傳涎而孕 夏小正曰十月黑

鳥浴鳥也浴也者謂飛乍上乍下也 原春秋元命苞

曰日中有三足鳥鳥者陽精其僂呼也

僂呼溫潤
生長之言

又

曰火流為鳥鳥孝鳥何知孝鳥陽精陽天之意鳥在日

中從天以昭孝也 春秋運斗樞曰維星得則日月光

鳥三足禮儀修物類合 孫氏瑞應圖曰三足鳥王者

慈孝被於萬姓不好殺生則來 伏候古今注曰所謂

赤鳥者朱鳥也其所居高遠日中三足鳥之精降而生

三足鳥何以三足陽數奇也是以有虞至孝三足集其

庭曾參鋤瓜三足萃其冠 抱朴子曰熒惑火精生朱

烏 孫氏瑞應圖曰赤烏王者不貪天下而重民命則

至 徐整三五歷曰天地之初有三白鳥主生衆鳥

孝經援神契曰德至鳥獸則白鳥下 孫氏瑞應圖曰

白鳥者宗廟肅敬則至 禮斗威儀曰江海不揚波東

海輸之蒼烏 又曰君乘木而王其政升平南海輸以

蒼烏 孫氏瑞應圖曰蒼烏賢君帝主修行孝慈被於

萬姓則來 廣志曰烏有白頭烏 張勃吳錄曰彭澤

有鳥接丸行者丸飯投之高下無失 增水經注曰武

周縣火山亦名榮臺其山出雛鳥形類雅鳥純黑而姣
好音與之同續彩紺發觜若丹砂性馴良而易附弁童
幼子捕而執之赤觜鳥亦曰阿雛鳥 法苑珠林曰昔

有鳥名拘耆遊在叢林梁言赤喙鳥也 金史曰活羅

漢語慈鳥也北方有之狀如大雞善啄物見牛馬橐駝

脊間有瘡啄食之馬牛輒死若飢不得食雖砂石亦食

之 原述征記曰長安靈臺有相風銅鳥

詳風

南越記

曰烏賊魚常自浮水上烏見以為死便往啄之乃卷取
烏故謂烏賊今匹烏化為之 毛詩曰具曰予聖誰知
烏之雌雄 又曰瞻烏爰止于誰之屋 又曰弁彼鸞
斯歸飛提提 增管子曰烏隼之交初雖相讎後必相
吐

鳥二

原淮南子曰堯時十日竝出堯命羿仰射十日中其九

烏

詳日

孫氏瑞應圖曰文王時見蒼烏王者孝弟則至

墨子曰赤烏銜珪降周之岐社曰命周文王伐殷河
出錄圖地出乘黃天錫武王黃烏之旗 孫氏瑞應圖
曰赤烏武王時銜穀米至屋上兵不血刃而殷服 尚
書中候曰周太子發渡孟津有火自天止於王屋為赤
烏 又曰有火自上覆於王屋流為烏其色赤其聲魄
尚書緯曰火者陽也烏者有孝名武王卒成大業故
烏瑞臻 太公六韜曰武王登夏臺以臨殷民周公旦
曰臣聞之愛其人者愛其屋上烏憎其人者憎其餘胥

左傳曰楚子元以車六百乘伐鄭諸侯救鄭楚師夜遁鄭人將奔桐丘諜告曰楚幕有烏乃止 增拾遺記

曰魯僖公十四年晉文公焚山求介子推有白鳥遶煙而噪或集介子推之側火不能焚晉人嘉之起一臺曰思煙臺其鳥又云仁鳥慈鳥 原左傳曰晉侯伐齊齊

師夜遁師曠告晉侯曰鳥鳥之聲樂齊師其遁

鳥鳥得空營則

樂叔向告晉侯曰城上有烏齊師其遁 燕丹子曰燕

太子丹質於秦秦王遇之無禮不得意欲歸秦王不聽

謬言曰令烏白頭馬生角乃可丹仰天歎烏即白頭馬
為生角秦王不得已而遣之 帝王世紀曰豐公家於

沛之豐邑中陽里其妻夢赤烏若龍戲已而生執嘉是
為太公太上皇 異苑曰東陽顏烏以純孝著聞後有
羣烏銜鼓集顏所居之村烏口皆傷一境以為顏至孝
故慈烏來萃銜鼓之異欲令聾者遠聞即於鼓處立縣
而名為烏傷王莽改為烏孝以彰其行迹云 伏候古
今注曰成帝河平四年白烏集孝文廟殿下黑烏從之

章帝元和二年三足烏集沛國三年代郡高柳烏子生
三足大如雞色赤頭上有角長寸餘和帝元興元年白
烏一見廬江足皆赤 東觀漢記曰馬援征交趾仰視

烏爲跼跼墮水中

詳

謝承後漢書曰廣漢儒字叔林

爲東郡太守烏巢於廳事屋梁兔產於牀下 吳志曰

赤烏元年八月詔曰間者赤烏集於殿前朕所親見若
神靈以為嘉祥者改元宜以赤烏 又曰孫休永安三
年春三月西陵言赤烏見 吳歷曰吳王爲神主來立

廟蒼龍門外時有鳥巢朱雀門上 又曰有兩足鳥銜

一鵲置神座前或得神書說改號之意乃改赤鳥為太

元 師覺授孝子傳曰吳順字叔和犍為人性至孝母

歿負土成墳有赤鳥巢門甘露降戶 王韶孝子傳曰

李陶交趾人母終陶居於墓側躬自治墓不受鄰人助

羣鳥銜塊助成墳 晉諸公贊曰世祖時西域獻三足

鳥遂累有赤鳥來集此昌陵縣按昌字重日鳥者日中

之鳥有托體陽精應期耀質以顯至德者也 蜀李雄

書曰武皇帝雄泰成三年白鳥赤足來翔帝以問范賢

賢曰烏有反哺之義必有遠人懷惠而來果關中流民

請降 王隱晉書曰虞溥為鄱陽內史勸勵學業雖威

不猛寬裕簡素白鳥巢郡庭止棗樹就執不動 豫章

舊志曰太守李儀臨郡二年白鳥見南昌 增酉陽雜

俎曰晉時營道縣令何潛之於縣界得鳥大如白鷺膝

上髀下自然有銅環貫之 晉南京寺記曰簡文帝咸

安初有鳥巢殿屋帝乃建齋七日忽鳥運巢而去 晉

五行志曰安帝義熙三年龍驤將軍朱猗戍壽陽婢炊飯忽有羣鳥集竈競來啄噉婢驅逐不去有獵狗咋殺兩鳥鳥因共啄殺狗又噉其肉唯餘骨存原宋起居注曰元嘉十三年陽羨縣民談合送白鳥皓質潔映有若輝璧爰稽圖瑞寶惟嘉祥增孔氏帖曰劉漢宏鴉噪諸庭命斫樹齊書曰高帝時有獻白鳥帝問此何瑞范雲位卑最後答曰臣聞王者敬宗廟則白鳥至時謁廟始畢帝曰卿言是也感應之理一至此乎元和

郡縣志曰後魏太和二十三年孝文親征馬圈行至賈復城昏霧得三鷄引路遂至南山因號通鷄城 周書曰明帝時順陽獻三足鳥八月甲子羣臣上表稱慶詔曰夫天不愛寶地稱表瑞莫不威鳳巢閣圖龍躍沼豈直日月珠連風雨玉燭是以鉤命決曰王者至孝則出元命苞曰人君至治所有虞舜烝烝來茲異趾周文翼翼翔此靈禽文考至德下覃遺仁爰被遠符千載降斯三足將使三方歸本九州翕定惟此大體景福在民予

安敢讓宗廟之善弗宣大惠可大赦天下文武官普進
三級 唐書曰李義府召見太宗試令詠鳥云日裏颺
朝采琴中聞夜啼上林多少樹不借一枝棲帝曰吾當
全樹借汝豈惟一枝 又曰天授元年有進三足鳥者
天后以為周室嘉應睿宗時為皇嗣言曰鳥前足偽也
天后不悅須臾一足墮地 又曰景龍四年六月辛巳
朔鳥集太極殿梁驅之不去 又曰開元二十八年四
月庚辰慈鳥巢宣政殿栢辛巳又巢宣政殿栢 又曰

貞元四年夏鄭汴境內烏皆羣飛集魏博田緒淄青李
納境銜木為城高二三尺方十里緒納惡而焚之信宿
如故烏口皆流血 又曰十八年六月烏集徐州之滕
縣噉柴為城中有白烏一碧烏一 又曰元和十三年
春淄青府署及城中烏鵲互取其雛各以哺子更相搏
擊不能禁 又曰中和元年三月陳留有烏變為鵲二
年有鵲變為烏 又曰柳仲郢自拜諫議後每遷官羣
烏大集於昇平里第庭樹戟架皆滿凡五日而散詔下

不復集家人以為候惟除天平節度烏不復集遂卒於鎮
溫璋為京兆尹勇於殺戮京邑憚之一日聞挽鈴
而不見有人如此者三乃一鷄尹曰是必有人探其雛
而來訴也命吏隨鷄所在而捕之其鷄盤旋引吏至城
外樹間果有人探其雛尚憩樹下吏執送之府尹以事
異於常乃斃之 朝野僉載曰唐魏伶為西市丞養一
赤觜烏每於人衆中乞錢人取一文而銜以送伶處日
收數百時人號為魏丞烏 宣室志曰凡軍出有鷁烏

隨其後者皆敗亡之徵元和中曾敬雲者嘗為北都裨將李師道叛時曾將行營兵士數千人每出軍有烏鵲隨其後即軍必敗率以為常宋敬則兄仁軌隱居

養親有赤鳥巢所居樹國史補曰裴中令為江陵節

度使使軍將譚弘受王稹往嶺南充使回至桂林館為羣鳥所噪王稹以石擊之鳥中腦而墜死於竹林中其同行譚弘受忽病頭痛不可前令王稹先行去戒逆邇相待或先報我家令人相接尋裴中令夢譚弘受言在

道為王稹所殺掠其錢物委尸在竹林中兩日內王稹合到乞令公治之王稹至遂付推司箠楚伏法旬日弘受到知擊烏之事乃是烏鬼報仇也 錄異記曰道士

毛意歡常有二鴉有客將至鴉必飛鳴意歡整飾賓階坐榻未畢客果至矣 五代史曰李克用少驍勇軍中

號曰李鷗兒 清異錄曰禮部郎中康凝畏妻甚有聲妻常病求烏鴉為藥而積雪未消難以網捕妻大怒欲加捶楚疑畏懼涉泥出郊用粒食引致之僅獲一枚同

官劉尚賢戲之曰聖人以鳳皇來儀為瑞君獲此免禍

可謂黑鳳皇矣 石林燕語曰范文正始貶饒州梅聖

俞時官旁郡作靈鳥賦以寄故公亦作賦報之及公秉

政聖俞久困意必援已而漠然無意所薦乃孫明復李

太伯聖俞遂作靈鳥後賦以責之世頗以聖俞為隘

金史曰實圖美弟阿縑美卒及終喪大會其族太祖率

官屬往焉就以伐遼之議訪之方會祭有飛鳥自東而

西太祖射之矢貫左翼而墜實圖美持至上前稱慶曰

鳥爲人所甚惡今射獲之此吉兆即以金版獻之

鳥三

原日禽

陽鳥

孔子曰鳥嘔呼也取其助氣故以爲鳥呼鳥口日中之禽故爲像形也張衡

靈憲曰日陽精之宗積而成鳥鳥有三趾陽之數類也

銜繖

萃冠

劉義慶世說曰徐干

木年少時嘗夢鳥從天下銜長斗繖樹其庭前鳥復上天銜繖下凡樹三繖竟鳥大鳴作惡聲而去徐後果得

疾遂以惡終

下

歸飛

返哺

上詳鳥一毛詩譙子法訓曰夫孝行之

本替本而求末者未見得之者也如或得之君子不貴矣鳥者而有返哺況人而無孝心者乎

巢門

畫壁

常璩華陽國志曰棘道縣孝子吳順養母赤鳥巢其門應劭風俗通曰按明帝起居注曰帝

東巡泰山到滎陽有鳥飛鳴乘輿上虎賁中郎將王吉射中之作辭曰鳥鳥啞啞引弓射洞左腋陛下壽萬歲

臣為二千石帝賜錢二百

丹質

素體

薛綜赤鳥頌曰赫赫赤鳥

萬令亭壁皆畫為鳥也

惟日之精朱羽丹質希代而生

又白鳥頌

化魚

曰鰲馬白鳥皓體如素宗廟致敬乃胥來顧

銜鵲

上詳鳥一南越記下詳鳥二吳歷

八子

九雛

古樂府歌曰鳥生八九子端坐

秦氏桂樹間昔我秦氏家有遨遊蕩子用睢陽彊蘇合彈司馬彪續漢書曰桓帝時童謡曰城上烏尾畢逋

一年生九雛公為吏兒為徒一徒死百乘車

莫黑

不黔

詩莫黑匪鳥鳥不日黔而黑

太陽精

王母使

瑞應圖曰鳥

太陽之精也亦至孝之應西王母以三足鳥為使

啼琴

飾鏡

琴有鳥夜啼曲有鳥鵲鏡

受哺

攫肉

嗷嗷林鳥受哺

於子黃霸使吏出小吏食道旁鳥攫其肉還霸迎謂曰甚苦食於道旁乃為鳥攫肉吏大驚以為霸盡知其

起居集府繞樹朱博為御史大夫先時御史府有列柏樹常有鳥數千集其上朝去暮來

號朝夕鳥魏武帝詩磬磬提提增氣仁性

壽上詳鳥一運斗樞埤雅曰鳥性極壽三遶煙

占雨上詳鳥二拾遺記雜俎曰候鳥飛翅重知天將雨鳥陽物也感陰氣而翅重故俗以此占其雨否

淮南子曰螭蛇游霧而殆於接丸吞丹上詳鳥一

蛄蛆鳥力勝日而服於騅禮長毛羽皆赤乃殺鳥陰乾擣服百日得壽五百歲

朴子曰取鳥之未生毛羽者以丹和牛肉使吞之至踏梢薄地楊萬里詩已是霜林葉爛紅那堪動地晚

來風寒鴉可是矜渠點踏折枯梢不墮空

十國紀年曰蜀呂彥德驍勇善騎射嘗從王宗播宗
僑征討冠牛革帽披漆甲跨烏馬軍中目為薄地鴉

集門樓

巢帷幄

三國典略曰侯景篡位令飾朱雀
門其日有白頭烏萬計集於門樓

隋書曰煬帝起宮丹陽將遊江
左有烏鵲巢於帷幄驅不能去

擾兵曹

棲麗城

北夢瑣言曰崔希喬以仁孝稱在并州廳前有小鳥如
鷦鷯巢叢葦上孕卵五色如雞子雛生月餘五色成文
大如鵝馴擾閒暇頃之飛翔時歸舊所號
兵曹鳥 裸記曰麗城鳥之所棲息處也

老萊弄

誌公畫

老萊子行年七十或弄鳥於親側欲其喜焉
高僧傳曰齊太尉司馬殷齊之隨陳顯達鎮江

州辭別竇誌誌畫絹作一樹樹上有鳥語云急時可登
此後顯達逆節留齊之鎮州及敗齊之逃入廬山追騎
將及齊之見林中有一樹樹北有鳥乃誌所畫悟而
登之鳥竟不飛追者見鳥謂無人而返卒以見免

愛屋

起臺

愛屋及鳥詳鳥二六韜拾遺記曰越王入國丹鳥夾王而飛故勾踐得入國也起

望鳥臺言鳥之異也

村號

弓名

志云海鹽南三里有鳥夜村晉何準所居也一夕羣鳥啼

噪準適生女他日復夜啼乃穆帝立準女為后之日風俗通曰鳥號弓者柘桑枝條暢茂鳥登其上垂下著地鳥適飛去後從撥殺取以為弓因名鳥號也

日氣

火流

論衡曰儒者言日中有三足鳥

日火也鳥入火中焦爛安得立然鳥日氣也火流為鳥詳鳥二尚書中候

爵生

鵲哺

說苑孔子曰昔殷王帝辛之時爵生鳥於城之隅唐書曰長慶中濮州雷澤縣民張憲莊榆樹有鳥巢因風墜二雛有鵲巢於東南樹引所墮二雛於其巢哺之

啞啞

懂懂

鳥四

原夢

宋公子得夢已為鳥喙加於南門尾加

見

漢武帝元

年有赤鳥見獻帝延

令鳥

吉鳥

並見成公綏賦

跋鳥

足

鳥孝鳥

北齊蕭倣希然居喪廬前有二慈鳥各集一樹為巢日午已前馴庭飲啄自午以後不下

樹每到臨時舒翼悲鳴有似助哀家人見之未嘗闕時以為倣孝感也

日鳥

古今注日中無光者

日中鳥也日中鳥若去即天下鳥去也

陽鳥

增朝鳥

南史高昌國有朝鳥旦旦集王

殿前為行列不畏人日出然後散去

哀鳥

禽經哀鳥夜啼注鳥失雌雄則夜啼宋臨川王坐廢聞鳥

夜啼及獲赦製鳥夜啼曲

窮鳥

見何遜賦

驚鳥

畢公叔早行詩火遠天俱白煙深月欲黃

驚鳥棲不定拂下一林霜

指而能言

北史西魏裴俠年七歲不能言後於洛城西見羣鳥蔽天

從西來舉手指之而言
從此聰慧異於常童

見即馳還

北史齊世辨性怯懦武平末為開府

周師入鄴辨以千餘騎覘後登高西望遙見羣鳥飛起以為旌旗即馳還不敢反顧

烏五

增詩梁簡文帝烏夜啼曰不疑三足朝含影直言九子

夜相呼羞言獨眠枕下淚託道單棲城上烏
原梁元

帝晚棲烏詩曰日暮連翩翼俱向上林棲風多前鳥駛

雲暗後羣迷路遠聲難徹飛斜行未齊應從故鄉返幾

過入蘭閨借問倡樓妾何如蕩子妻
增梁吳均城上

鳥曰鳴鳴城上鳥翩翩尾畢逋凡生八九子夜夜啼相

呼質微知慮少體賤毛衣麤陛下三萬歲臣至執金吾

原梁劉孝威鳥生八九子篇曰城上鳥一年生九雛

毵毛不自暖張翼彊相呼羽成翮備各西東丁年賦命

有窮通不見高飛帝輦側遠託日輪中尚逢王吉箭猶

嬰唐羿弓豈如變采救燕質入夢祚昭公流聲表師退

集幕示營空靈臺已鑄像流蘇時候風 增又望棲鳥

詩曰夕鳥飛參差單雄雜寡雌聯翩歸葉裏出沒噪林

垂爭棲時易樹驚飛忽度枝雖無繫書重亦有含纓疲
以茲憔悴力重逢輕薄兒珠丸蘓合彈金繳青絲縻豈
意翩翩羽遂免更羸危入懷欣得地依林竊願知 原

梁朱超詠城上烏詩曰朝飛集麗城猶作夜啼聲近日
毛雖暖聞弦心尚驚 增周庚信烏夜啼曰桂樹懸知

遠風竿詎肯低獨憐明月夜孤飛猶未棲虎賁誰見惜
御史詎相攜雖言入絃管終是曲中啼 又曰促柱繁
弦非子夜歌聲舞態異前溪御史府中何處宿洛陽城

頭那得棲彈琴蜀郡卓家女織錦秦川竇氏妻詎不自
驚長淚落到頭啼鳥恒夜啼 隋虞世基晚飛鳥詩曰

向日晚飛低飛飛未得棲當為歸林遠恒長侵夜啼

原隋明餘慶死鳥詩曰幕空長罷噪箭急不知驚賴餘
琴曲裏猶有夜啼聲 楊師道應詔詠巢鳥詩曰桂樹

春暉滿巢鳥刷羽儀朝飛麗城上夜宿碧林陲背風藏
密葉向日逐疎枝仰德還能哺依仁遂可窺驚鳴雕輦
側王吉自相知 唐太宗詠鳥代陳師道詩曰凌晨麗

城去薄暮上林飛辭枝枝暫起停樹樹還低向日終難
託迎風詎肯迷只待纖纖手曲裏作宵啼 增唐李嶠

詩曰日路朝飛急霜臺夕影寒聯翩依月樹迢遞繞風
竿白首何年改青琴此夜彈靈臺如可託千里向長安

儲光羲羣鴉詠曰新宮驪山陰龍袞時出豫朝陽照

羽儀清吹肅遠路羣鴉隨天車夜滿新豐樹所思在腐

餘不復憂霜露河低宮閣深燈隱鼓鐘曙繽紛起寒枝

矯翼時相顧家

一作家

宰收琳瑯侍臣進

一作盡

鵷鷺高舉

摩太清永絕繒繳懼茲禽亦翱翔不以微小故 李白

烏夜啼曲曰黃雲城邊烏欲棲歸飛啞啞枝上啼機中

織錦秦川女碧紗如煙隔牕語停梭悵然一作望憶遠人

獨宿孤房淚如雨 顧況烏啼曲曰玉房掣瑣聲翻葉

銀箭添泉霜遶堞畢逋撥刺日銜城八九雛飛其母驚

此是天上老鷄鳴我聞一作人間老鷄無此聲搖風雜佩耿

華燭夜聽羽人彈此曲東方曈曈赤日旭 韋應物烏

引雛曲曰日出照東城春鳥啞啞雛和鳴雛和鳴羽猶

短巢在深林春正寒引飛欲集東城暖羣雛離襁睥睨
高舉翅不及墜蓬蒿雄雌來去飛又引音聲下上懼鷹
隼引雛烏爾心急急將何如何得比日搜索雀卵噉爾
雛白居易慈烏夜啼詩曰慈烏失其母啞啞吐哀音
晝夜不飛去經年守故林夜夜夜半啼聞者為沾襟聲
中如告訴未盡反哺心百鳥豈無母爾獨哀怨深應是
母慈重使爾悲不任昔有吳起者母歿喪不臨嗟哉斯
徒輩其心不如禽慈烏復慈烏鳥中之曾參又和大

甯烏詩曰烏者種有二名同性不同甯小者慈孝甯大者貪慵甯大命又長生來十餘冬物老顏色變頭毛白茸茸飛來庭樹上初但驚兒童老巫生奸計與烏意潛通云是非凡鳥遙見起敬恭千歲乃一出喜賀主人翁祥瑞來白日神靈占知風陰作北斗使能為人吉凶此鳥所止家家產日夜豐上以致壽考下可宜田農主人富家子身老心童蒙隨巫拜復祝婦姑亦相從殺雞薦其肉敬若禋六宗烏喜張大甯飛接在虛空烏既飽羶

腥巫亦饗甘濃烏巫互相利不復兩西東日日營巢窟
稍稍近房櫳雖生八九子誰辨其雌雄羣雛又長成衆
甫逞殘兇探巢吞燕卵入簇啄蠶蟲豈無乘秋隼羈絆
委高墉但食烏殘肉無施搏擊功亦有能言鸚翅碧觜
距紅暫曾說烏罪囚閉在深籠青青牕前柳鬱鬱井上
桐貪烏占栖息慈烏獨不容慈烏爾奚為來往何憧憧
曉去先晨鼓暮歸後昏鐘辛苦塵土間飛啄禾黍叢得
食將母哺飢腸不自充主人憎慈烏命子削彈弓絃續

會稽竹九鑄荆山銅慈烏求母食飛下爾庭中數粒未
入口一丸已中胃仰天號一聲似欲訴蒼穹反哺日未
足非是惜微躬誰能持此冤一為問化工胡然大觜烏
竟得天年終 又答元郎中楊員外喜烏見寄四十四
字詩曰南宮鴛鴦地何忽烏來止故人錦帳郎聞烏笑
相視疑烏報消息望我歸鄉里我歸應待烏頭白慙愧
元郎誤歡喜 又烏夜啼詩曰城上歸時晚庭前宿處
危月明無葉樹霜滑有風枝啼澀飢喉咽飛低凍翅垂

畫堂鸚鵡鳥冷暖不相知 元稹大觜鳥詩曰陽鳥有
二類觜白者名慈求食哺慈母因以此名之飲啄頗廉
儉音響亦柔雌百巢同一樹栖宿不復疑得食先返哺
一身長苦羸緣知五常性翻被衆禽欺其一觜大者攫
搏性貪癡有力彊如鶻有爪利如錐音聲甚呖喙潛通
妖怪詞受日餘光庇終天無死期翱翔富人屋栖息屋
前枝巫言此鳥至財產日豐宜主人一心惑誘引不知
疲轉見鳥來集自言家轉孳白鶴門外養花鷹架上維

專聽鳥喜怒信受若神龜舉家同此意彈射不復施往清池側却令鴛鴦隨羣鳥飽梁肉毛羽色澤滋遠近恣所往貪殘無不為巢禽攫雛卵廐馬啄瘡痕滲瀝脂膏盡鳳皇那得知主人一朝病爭向屋檐窺叨囑呼羣鵬翩翻集怪鳥主人偏養者嘯聚最奔馳夜半仍驚噪鵲鵲逐老狸主人病心怯燈火夜深移左右雖無語奄然皆淚垂平明天出日陰魅走參差鳥來屋檐上又惑主人兒兒即富家業翫好方愛奇占募能言鳥置者許

高貲隴樹巢鸚鵡言語好光儀美人傾心獻雕籠身自
持求者臨軒出置在白玉墀先問鳥中苦便言鳥若斯
衆鳥齊搏鑠翠羽幾離披遠擲千餘里美人情亦衰舉
家懲此患事鳥踰昔時向言池上鷺啄肉寢其皮夜漏
天終曉陰雲風定吹況爾鳥何者數極不知危會結彌
天網盡取一無遺常令阿閣上宛宛宿長離又樹上
鳥詩曰樹上鳥洲中有樹巢若鋪百巢一樹知幾鳥一
鳥不下三四雛雛又生雛知幾雛老鳥未死雛已鳥散

向人間何處無攫麕啄卵方可食男女羣彊最多力靈
蛇萬古唯一珠豈可攄彈千萬億吾不會天教爾輩多
子孫告訴天公天不言 張籍烏啼引曰秦烏啼啞啞

夜啼長安吏人家吏人得罪因在獄傾家賣產將自贖
少婦起聽夜啼烏知是官家有赦書下沐心喜不重寐
未明上堂賀舅姑少婦語啼烏汝啼慎勿虛借汝庭樹
作高窠年年不令傷爾雛 王建烏夜啼曲曰庭樹烏
爾何不向別處棲夜夜夜半當戶啼家人把燭出洞戶

驚栖出羣飛落樹一飛直欲飛上天回回不離舊栖處

未明重繞主人屋欲下空中黑相觸風飄雨濕亦不移

君家樹頭多好枝 張祜烏夜啼詩曰忽忽南飛返危

絲共怨悽暗霜移樹宿殘夜遶枝啼咽絕聲重叙悵淫

思乍迷不妨還報喜誤使玉顏低 李岑詠栖煙烏詩

曰從來養毛羽昔日曾飛遷變轉對朝陽差池栖夕煙

遇此枝葉覆夙舉冀冲天 聶夷中烏夜啼曰衆鳥各

歸枝烏烏爾不栖還應知妾恨故向綠牕啼 陸龜蒙

詩曰誰使寒鴉意緒嬌雲晴山晚動情慘亂和殘照紛
紛舞應索陽烏次第饒 宋余靖馬當呼鷗不至詩曰
昔年曾泛馬當灣團飯喚鷗篙楫間今日江邊飛不下
應知人世足機關 蘇軾巫山廟烏鳶詩序曰巫山廟
上下數十里有烏鳶無數取食於行舟之上舟人以神
之故亦不敢害詩曰羣飛來去噪行人得失無憂便可
馴江上飢烏無足怪野鷹何事亦頻頻 明高啟歸鴉
詩曰啞啞噪夕暉爭宿不爭飛未逐冥鴻去長先野鶴

歸荒村流水遠古戍淡煙微借問寒林樹何枝最可依
陸仁城上烏序曰城上烏者取晉叔向城上有烏齊
師其遁之謂而作也漢桓帝時則有其謠迨梁劉孝威
吳均輩比有作焉然各有託而不及此意予方感悼其
事因補其義而賦云城上烏羣相呼羣相呼護其雛公
侯干城民父母官軍見賊莫遁逃城中之民勢亦孤安
得千金覓壯夫城上烏烏有翻東西引雛飛格格胡為
羣來盡紅帕驅民登城要相殺烏啼城頭頭亦白

原賦晉成公綏烏賦序曰有孝烏集余之廬乃喟然而
歎曰余無仁惠之德祥禽曷為而至哉夫烏之為瑞久
矣以其返哺識養故為吉鳥是以周書神其流變詩人
尋其所集望富者瞻其爰止愛屋者及其增歎茲蓋古
人所以為稱若乃三足靈德國有道則見國無道則隱
斯乃鳳鳥之德何以加焉鵬惡鳥而賈生懼之烏善禽
而吾嘉焉懼惡而作歌嘉善而賦之不亦可乎辭曰惟
黑鳥之令鳥兮性自然之有識應炎陽之純精兮體乾

剛之正色望仁里之迴翔兮翩羣鳴以拊翼嗟自託於
君子兮心雖邇而不逼起彼高林集此叢灌棲息重陰
列巢布翰繽紛霧會迴皇塵亂來若雨集去如雲散哀
鳴日夕鼓翼昧旦啞啞相和音聲可玩嗟斯鳥之克孝
兮心識養而知慕同蓼莪之報德兮懷凱風之至素雛
既壯而能飛兮乃銜食而反哺遊朝霞而凌厲兮飄輕
翥於玄冥有崑山之竒類兮體殊形於玉趾凌西極以
翱翔兮為王母之所使時應德而來儀兮介帝王之繁

祉入中州而武興兮集林木而軍起能休祥於有周兮
矧貞明於吉土嘉茲鳥之淑良兮永和樂而靡已 梁
何遜窮鳥賦曰嗟窮鳥之小鳥意局促而馴擾聲遇物
而知哀翻排空而不矯望絕侶於夕霞聽翔羣於月曉
既滅志於雲霄遂甘心於園沼時復搶榆決至觸案窮
歸若中氣而自墮似驚弦之不飛同雞埒而共宿啄鴈
稗以爭肥異海鷗之去就無青鳥之是非豈能瑞周德
而丹羽感燕悲而素暉雖有知於理會終失悟於心機

增宋梅堯臣靈鳥賦曰鳥兮來前事將兆而獻忠人
反謂爾多凶凶不本於爾爾又安能凶凶人自凶爾告
之凶是以為凶爾之不告兮凶豈能吉告而先知兮謂
凶從爾出烏兮爾靈吾今語汝庶或汝聽爾結舌兮勿
睥睨往來城頭無爾累 又後靈鳥賦曰靈鳥我昔憫
爾之忠告人之凶遭人唾罵於時不容覆巢彈類驅逐
西東余是時作賦以弔汝非乘爾困而責爾聰今也主
人悟彈者去豐爾食於太倉置爾巢於高樹而復憎鴻

鵠之不親愛燕雀之來附 范仲淹和靈鳥賦曰靈鳥

靈鳥爾之為禽兮何不高翔而遠翥何為號呼於人兮
告吉凶而逢怒方將折爾翅而烹爾軀徒悔焉而忘路
彼啞啞兮如訴請臆對而心喻我有生兮累陰陽之含
育我有質兮處天地之覆露長慈母之危巢託主人之
佳樹斤不我伐彈不我仆母之鞠兮孔艱主人仁兮則
安度春風兮既成我以羽翰眷庭柯兮欲去君而盤桓
思報之意厥聲或異警於未形恐於未熾知我者謂吉

之先不知我者謂凶之類故告之則反災於身不告之則稔禍於人主恩或忘我懷靡臧雖死而告為凶之防增表周庾信為齊王進蒼鳥表曰虞庭告瑞姬社呈祥咸高識哺之心實貴能知之性

鵲一

原爾雅曰鵲鵲醜其飛也鵲翅上下也音宗

廣雅曰鵲鵲

鵲也 增格物總論曰鵲一名飛駁形類於鵲而差小
嘴尖足爪黑頸項背深綠色白翮尾毛黑白相間善為

巢其聲喳喳然南人聞其噪則喜北人聞其噪則悲

原禮記曰季冬之月鵲始巢 案周易統卦曰鵲者陽

鳥先物而動先事而應見於未風之象今失節不巢癸
氣不通故言春不東風也 周書曰小寒之日鴈北鄉

又五日鵲始巢鵲不始巢國不寧 說文曰鵲知太歲

之所在象文從佳昔聲 張華博物志曰鵲巢開口背

太歲此非才智任自然之得也 增埤雅曰太陰所建

蟄蟲首穴而處鵲巢向而為戶 又曰蟄蟲鵲巢皆向

太一而背歲 又曰鵲知人喜作巢取木杪枝不取墮

地者皆傳枝受卵故曰乾鵲 又曰烏鵲孺魚傳沫孺交

尾也烏鵲交尾而化 禽經曰鵲以音交而孕張華注上下飛

鳴則 原淮南子曰鵲巢知風之所起 又曰乾鵲知

來而不知往此修短之數也 增又曰鵲識歲之多風


也去喬木而巢扶枝大人過之則探鵲嬰兒過之則挑

其卵知避遠難而忘近患 又曰鵲矢中言鵲能制

仰腹受啄中 原雜五行書曰埋鵲一枚溝中辟盜賊

其矢輒爛 欽定四庫全書 御定淵鑑類函 二十七

奸邪 本草曰五月五日鵲腦入術家用一名駮鳥

增本草釋名曰鵲古文作象形鵲鳴喑喑故謂之鵲

鵲色駮雜故謂之駮靈能報喜故謂之喜性最惡濕故

謂之乾佛經謂之窈尼小說謂之神女 本草集解曰

鵲至秋則毛毳頭禿 爾雅翼曰七月七日鵲無故皆

髡相傳是日河鼓與織女會於漢東役鵲為梁以渡故

毛皆脫去 原毛詩曰鵲巢夫人之德也維鵲有巢維

鳩居之 又曰鵲之彊彊 莊子曰鵲上高城危而巢

於高枝之巔城壞巢折凌風而起故君子之居世也得
時則蟻行失時則鵲起 孫卿子曰古之王者其政好
生惡殺烏鵲之巢可仰而窺 鹽鐵論曰中國所鮮外
國賤之崑山之旁以玉璞抵烏鵲

鵲二

原莊子曰莊周遊於雕陵之樊

樊蕃也遊於栗園

覩一異鵲自

南方來翼七尺目大運寸

周迴一寸

感周之頽而集於栗林

莊周褰裳躍步執彈而留之

增西京雜記曰樊將軍

噲問陸賈曰自古人君皆云有瑞應豈有是乎賈曰有
之乾鵠噪而行人至蜘蛛集而百事喜況人君處重位
乎原魏書曰安德令劉長仁有鵠來屋上鳴管輅曰
鵠云東北一婦昨殺夫牽引西家人離婁有頃果有婦
人殺夫詐訟西家殺也增搜神記曰青龍中明帝為
凌霄閣始構有鵠巢其上吳志曰赤烏十二年有兩
鳥銜鵠墮東觀權使丞相朱據燎鵠以祭晉書曰孝
武帝太元十六年六月鵠巢太極東頭鵠尾又巢國子

學堂西頭十八年東宮始成十九年正月鵲又巢其西

門南史曰建平王宏子景素在藩甚得人心而謗聲

日積當廢帝時深懷憂懼常與故吏劉璡獨處曲臺有

鵲集於承塵上飛鳴相逐景素泣然曰若斯鳥者遊則

參乎風煙之上止則隱於林木之下飢則啄渴則飲形

體無累於物得失不關於心一何樂哉北齊書曰武

衛奚永洛與河內人張子信對坐有鵲鳴於庭樹間而

墮焉子信曰鵲言不善向夕若有風從西南來歷樹拂

堂角則今夜有人喚公不得往子信去後果有風來至
夜高儼使召永洛且言勅喚永洛欲赴其妻苦留稱墜
馬折腰免於難 舊唐書曰高祖圍堯君素於蒲州糧

盡人相食有鵲巢其發石車上人心遂離 通鑑曰貞

觀二年九月嘗有白鵲巢於寢殿槐上合歡如腰鼓左
右稱賀上曰此何足賀命毀其巢縱鵲於野外 唐五

行志曰天寶十三載葉縣有鵲巢於車轍中不巢木而
巢地失其所也 苗晉卿嘗自為父碑文有鵲巢碑上

唐貞元三年中書省梧桐樹上有鵲以泥為巢焚其

巢可禳狐魅

五代史曰王處直為武義軍節度使野

鵲數百巢麥田中人皆知其不祥

高僧傳曰後唐釋

可止善律詩在定州日中山節度使王處直與太原互

相疑貳諸侯兼并王令方欲繼好息民因命僧齋於慶

雲寺會有獻白鵲者王曰試為詠題止即席而成後句

云不知誰會喃喃語必向王前報太平王欣然 奚囊

橘柚曰袁伯文七月六日過高唐遇雨宿於山家夜夢

女子甚都自稱神女伯文欲留之神女曰明日當為織女造橋違命之辱伯文驚覺天已辨色啟牕視之有羣鵲東飛有一稍小者從牕中飛去是以名鵲為神女也

鵲三

原巢知背歲

立必順風

上詳鵲一博物志傳曰朔以人事言之

東方朔

來鵲尾長傍風則傾背風則屢必當順風而立是以東嚮鳴也

南飛月夜

東嚮雨

晴

上見魏武帝詩

東方朔傳曰孝武皇帝時閒居無事燕坐未央前殿天新雨止當此時東方朔執戟在

殿階傍屈指獨語上從殿上見朔呼問之生所獨語者何也朔對曰殿後柏樹上有鵲立枯枝上東嚮而鳴也

銜火清谿

採粟員嶠

郭子橫洞冥記曰帝解鳴鴻之刀以賜東方朔刀長三尺

朔曰此刀採首陽之金鑄為此刀雄者以飛雌者獨在金出九陽清谿有鵲銜火於清谿之上王子年拾遺

記曰員嶠之山名環丘上有方湖千里多大鵲高一尺八羣飛於湖際銜採不周之粟於環丘之上

化

石填河

張顗為梁相有山鵲飛化圓石顗椎破之得一金印淮南子曰烏鵲填河成橋渡織女

飾鏡

為扇

有烏鵲鏡詳後注拾遺記下

燭夜

登春

古今注曰一名

燭夜下見魏收詩

公輸削

方朔占

墨子曰公輸削竹木為鵲成飛三日不下自

以為巧下詳

前注東方朔傳

白

丹

曹子建魏德論曰有白鵲之瑞拾遺記曰周成王時塗

脩國獻丹鵲一條

雄一雌五夏取翻一名素影

增探轂

忘真

晉書曰王

澄為荊州將之鎮送者傾朝澄見樹上鵲巢便脫衣上樹探殼而弄之神氣蕭然旁若無人莊子曰莊子見

一異鵲執彈而留之覩一蟬方得美蔭而忘其身螳螂執翳而搏之見得而忘其形異鵲從而利之見利而忘

其真採枕燒腦投荒雜錄曰番禺人逢端午日採鵲巢中獲兩小石號鵲枕此日得之者

佳婦人遇之有抽金簪解耳璫而償其直者蓋取以為媚男藥也志林曰鵲腦燒之令人相思帝

女國王廣異記曰南方赤帝女學道得仙居高陽崕山桑樹上正月一日銜柴作巢或作白鵲或

作女人赤帝見之悲慟誘之不得以火焚之女即升天因名帝女桑今人至十五日焚鵲巢作灰汁浴蠶子本

此故鵲一名神女也傳燈錄曰昔如來在雪山修道芻尼巢於頂上佛既成道芻尼受報為那提國王芻尼

野鵲趨時報喜埤雅曰鵲而不淫所以成德成德故有行知風之自而作其巢知歲

之所在而開其戶所以趨時趨時故有功天寶

補

隙

上梁

唐書曰大歷八年乾陵上仙觀三尊殿有雙鵲銜柴及泥補葺殿之隙壞凡一十五處宰

臣等表賀

酉陽雜俎曰

崔圓相公妻在家時見二鵲營巢共銜一木如筆管長尺餘安巢中衆悉不見俗言

見鵲上梁必貴鵲有隱巢

結玉

墜紙

天元主物簿云鵲啄槐實

結玉於腦謂之鵲玉此鵲終歲不復鳴噪雖巢無胎卵

又云戴玉之鵲巢於竹與燕同羣因話錄曰大中時

孔溫裕因直諫貶郴州有鵲戲於庭子孫拜之飛

去墜下方寸紙有補闕字未幾徵還果有此拜

擁

行車

集玉堂

開元遺事曰李元紘令餘杭治有聲遷潤州司馬羣鵲飛擁行車百里而旋

金坡遺事曰學士院有雙鵲嘗棲於西軒海棠枝上每學士會食必徘徊翔集於玉堂之上略無驚畏或鳴噪

必有大詔令
及宣召之事

霜毛玉羽

緇衣素襟

韓文曰白鵲者霜毛皎潔玉羽

鮮明 朝野僉載曰唐貞觀末南康黎景逸居空青山
常有鵲巢其側每飲食輒以餒之後鄰近失盜誣景逸
繫南康獄一日有鵲止於獄樓向景逸歡喜似傳語之
狀其日傳赦至官司詰其由來云道逢緇衣素襟人所
說三日而赦至景逸還山乃知緇衣素襟者鵲也 又
李白詩曰五色雲間鵲飛鳴天上來傳聞赦書至却放
夜郎回或云鵲
夜傳枝主有赦
子曰烏之啞啞鵲之啞啞
豈為寒暑燥濕變其聲哉
牧詩丹鵲東飛
來喃喃送君札

行踰踰

聲啞啞

性相法曰鵲行踰踰

楂楂

喃喃

韓愈詩楂楂鵲鳴聲

鵲四

原詩魏武帝歌詩曰月明星稀烏鵲南飛繞樹三匝何
枝可依山不厭高海不厭深周公吐哺天下歸心 北
齊魏收看柳上鵲詩曰背歲心能識登春巢自成立枯
隨雨霽依枝須月明疑是雕籠出當由抵玉驚間闕拂
條軟迴復振毛輕何獨離婁意傍人但未聽 梁蕭紀
詠鵲詩曰欲避新枝滑還向故巢飛今朝聽聲喜家信
必應歸 隋魏彥深園樹有巢鵲戲以詠之曰畏玉心
常駭填河力已窮夜飛還繞樹朝鳴且向風知來寧自

伐識歲不論功早晚時應至輕舉一排空 增唐李嶠

詠鵲詩曰不分荆山抵甘從石印飛危巢畏風急繞樹

覺星稀喜逐行人至愁隨織女歸儻游明鏡裏朝夕動

光輝 蘇頲詠禮部尚書庭後鵲曰懷印喜將歸窺巢

戀且依自知棲不定還欲向南飛 蔣冽山行見鵲巢

詩曰鵲巢性本高更在西山木朝下清泉戲夜近明月

宿非直避網羅兼能免傾覆豈憂五陵子挾彈來相逐

又夜飛鵲詩曰北林夜方久南月影頻移何啻飛三

匪猶言未得歸 王建祝鵲詩曰神鵲神鵲好言語行
人早回多利賂我今庭中栽好樹與汝作巢當報汝
呂溫和恭聽籠中山鵲詩曰掩抑冲天意悽愴觸籠音
驚曉一聞處傷春千里心 薛能鄜州進白野鵲詩曰
輕毛疊雪翅開霜紅觜能深練尾長名應玉符朝北闕
色柔金柱瑞西方不憂雲路填河遠為對天顏送喜忙
從此定知栖息處月宮瓊樹是仙鄉 皮日休喜鵲詩
曰棄羶在庭際雙鵲來搖尾欲啄怕人驚喜語晴花裏

何況佞倖人微禽解如此 司空圖山鵲詩曰多驚本

為好毛衣只賴人憐始却歸衆鳥自知顏色減妬他偏
向眼前飛 又喜山鵲初歸詩曰翠衿紅觜便知機久
避重羅穩處飛只為從來偏護惜牕前今賀主人歸

又曰山中只是惜珍禽語不分明識爾心若使解言天
下事燕臺今築幾千金 又曰阻他羅網到柴扉不奈
偷倉雀轉肥賴爾林塘添景趣剩留山果引教歸 韓
偓鵲詩曰偏承雨露潤毛衣黑白分明衆所知高處營

巢親鳳闕靜時閒語上龍墀化為金印新祥瑞飛向銀
河舊路歧莫怪天涯棲不穩託身須是萬年枝 韓溉
鵲詩曰纔見離巢羽翼開盡能輕颺出塵埃人間樹好
紛紛占天上橋成草草回幾度送風臨玉戶一時傳喜
到妝臺若教顏色如霜雪應與清平作瑞來 南唐王
感化詠苑中白野鵲詩曰碧岩深洞恣遊遨天與蘆花
作羽毛要識此來棲宿處上林瓊樹一枝高 閩徐寅
鵲詩曰神化難原瑞即開雕陵毛羽出塵埃香閨報喜

行人至碧漢填河織女回明月解隨烏繞樹青銅寧媿
雀為臺瓊枝翠葉庭前植從待翩翩去又來 宋歐陽

脩野鵲詩曰鮮鮮毛羽耀朝輝紅粉牆頭綠樹枝日暖
風輕言語軟應將喜報主人知 蘇軾異鵲詩序曰熙

寧中柯侯仲常通守漳州以救饑得民有二鵲棲其廳
事訖侯之去鵲亦送之漳人異焉為賦此詩曰柯侯古
循吏悃悃真無華臨漳所全活數等江干沙仁心格異
族兩鵲巢其衙但恨不能言相對空楂楂善惡以類應

古語良非誇君看彼酷吏所至號鬼車

陳無已鶚鵲

詩序曰辛巳夏四月庚戌日將宴與客追涼露坐有雀
引雛二三集垣下行且哺俄有鵲至自北俛啄雀間初
循循少焉就雀間遽攫一雛而升於垣出雀不意悲鳴
啾啾奮身抵鵲再三欲奪鵲竟磔雛以食不顧如得計
然坐客歎息余感之賦是詩曰若奚不鷁吾知避而遷
汝胡不狸吾知遠而馳宵通吾巢晨竝吾枝懷毒妊凶
初不汝期恭恭拳拳甫笑嘻嘻情貌深厚孰從而追

李覲聞喜鵲詩曰翩翩者鵲何品流羽毛黑白林之幽
生平智力可料度有巢往往輸鳴鳩天然卻會報人喜
愚兒幼婦惟爾求萬聲千噪幾曾驗聞者終是軒眉頭
唐庚鳴鵲行曰檐前羣鵲鳴相呼法當有客或遠書
吾今何處得書尺而况賓客乘軒車喧喧鳴鵲汝過矣
曷不往噪權門朱 陸游贈鵲詩曰為梁星渚自何年
毛羽摧傷不怨天知我齋餘嘗施食翩然飛下北牕前
原謳魏曹植魏德論謳曰鵲之彊彊詩人取喻今存聖

世呈質見素飢食苔華渴飲清露異於疇昔衆鳥是慕
原賦梁徐勉鵲賦曰觀羽族之多類實巨細以羣飛既
若雲而彌上亦栖睫而忘歸爰有茲禽六翮斯具生無
隱默質有黜素匪違涼而就暑通四節以馳騖出崑山
而抵玉入召風而興賦其識知來其巢知風比之烈士
時起則雄逢翳蒼而翔集乘清吹而西東荷休明以得
性游苑囿以自終 增唐陳仲師鵲巢背太歲賦曰矯
翼徘徊向隅栖息時懷擇木之智日就積薪之力所以


率先表異選勝知歸應時節而遷易辨方隅之是非念
彼明神自易地而攸處顧茲弱羽信何枝而可依擇地
已有知風豈無方一枝而自託雖小數之能拘 又鵲
始巢賦曰拂曙聲多排空意遠惜光陰於朝暮迷飲啄
之往返於是攫腐草銜飛蓬重疊尺筵迴環翠空凌寒
而且近朝日構思而偏愁夜風俯仰求容冀資拾芥之
力縱橫居止顧就積薪之功必使輕舉得便羣飛會同
嬉遊遂鄰於清籟窮東長謝其雕籠

御定淵鑑類函卷四百二十三

謹案卷四百二十三第二十一頁前七行百巢一

拊知幾鳥刊本幾訛已今改





總校官庶吉士臣張能照

校對官檢討臣王福清

謄錄監生臣朱烺

謄錄監生臣浦煊

欽定四庫全書薈要

子部

御定淵鑑類函卷四百二十

五四

詳校官兵部主事臣雷純

欽定四庫全書薈要卷一萬一千八百七十二

子部

御定淵鑑類函卷四百二十四

鳥部七

雀

雀一

原春秋運斗樞曰瑤光星散為雀 增說文曰雀依人

小鳥也 格物總論曰雀小鳥也常依人背頷皆黑通

身毛羽褐色尾長二寸許爪趾黃白色四時有子其種

類不一有神雀蒿雀突厥雀瓦雀瓦雀出浙東其雌雄

相感必一俯一仰 埤推曰雀頭如顴蒜目如擘椒雀

物之淫者鼠物之貪者故詩言雀角鼠牙以譬彊暴

本草釋名曰雀短尾小鳥也故字從小從隹隹音錐短

尾也棲宿檐瓦之間馴近堦除之際如賓客然故曰瓦

雀賓雀俗呼老而班者為麻雀雀小而黃口者為黃雀

又曰雀以猜瞿

今雀俛而啄仰而四顧所謂瞿也

易通卦驗曰立夏

雀子飛 原禮記曰季秋雀入大水化為蛤 增續古

今注曰九月雀不入水則多淫佚 搜神記曰千歲之

雉入海為蜃百年之雀入江爲蛤 原禮稽命徵曰祭

五嶽四瀆得其宜則黃雀見

黃雀土精

孝經援神契曰王

者奉已約儉臺榭不侈尊事耆老則白雀見 瑞應圖

曰赤雀者王者動作應天時則銜書來 增孝經左契

曰赤雀者王者孝則銜書來 原遁甲曰赤雀不見則

國無賢白雀不見則無後嗣

赤雀言銜書陽精也白雀言銜鐵券陰精也不來則

國王無後嗣也 漢武內傳西王母曰仙家次藥有昆丘神雀

沙洲記曰寒嶺去大陽川三十里有雀鼠同穴雀亦

如家雀色小白鼠亦如家鼠色如黃虺無尾 南越志

曰增城縣多白雀大如鵝素質凝映 風土記曰六月

東南長風爲黃雀風時海魚化爲黃雀 廣志曰安息

大雀舉頭高八九尺張翅丈餘食大麥卵如甕 增本

草釋名曰突厥雀即爾雅鷓鴣冠雉也雀從北來當有

賊下邊人候之故名 本草集解曰突厥雀生塞北狀

如雀而身赤按郭璞云鷓鴣生北方沙漠地大如鵠形

似雌雉鼠脚無後趾歧尾爲鳥慙急羣飛張華云鷓生

關西飛則雌前雄後隨其行止莊周云青鷄愛其子而忘其母 又曰蒿雀似雀青黑色在蒿間塞外彌多食

之美於諸雀

曲禮曰前有水則載青旌

鄭康成注載舉於旌首以

警衆青雀水鳥也

原呂氏春秋曰燕雀處一屋之下子母相

哺啍啍然其相樂也自以爲安矣竈突決火上棟宇將

焚燕雀顏色不變不知禍將及也爲人君免燕雀之智

者寡矣 韓詩外傳曰夫鳳皇之初起也遙遙千里藩

籬之雀喔咿而笑之及其升少陽一屈一伸輾轉雲間

藩籬之雀超然自知不及遠矣 莊子曰一雀過羿羿
必得之或曰以天下爲籠則雀無所逃是故湯以庖人
籠伊尹秦穆以五羊之皮籠百里奚 太玄經曰明珠
彈雀費不當也 張顯折言曰萬雀不及一鳳皇衆星
不如一明月 增抱朴子曰千羊不能捍獨虎萬雀不
能抵一鷹

雀二

原春秋考異郵曰黃帝將起有黃雀赤頭立日旁帝占

曰黃者土精赤者火熒雀者賞萌余當立 尚書中候

曰赤雀銜丹書入豐止於昌前

詳帝王

又曰維天降紀

秦伯出狩至於咸陽天震大雷有火下化為白雀銜籙

集於公車 春秋孔演圖曰鳥化為書孔子奉以告天

赤雀集書上化為黃玉刻曰孔提命作應法為制赤雀

集

將受命制

瑞應圖曰孔子生玄扈洛水之上赤雀銜丹

書隨至 晏子曰齊景公探雀穀穀弱故反之晏子再

拜賀曰吾君有聖人之道矣道長幼也曾禽獸之加焉

而况人乎 增論語疏曰公冶長辨雀語云喈喈嘖嘖

白蓮水邊有車覆粟車脚淪泥犢牛折角收之不盡相

呼共啄人驗之果然

故宋之問詩云不如黃雀語能免治長災

原說苑曰

吳王欲伐荆有諫者死舍人少孺子懷丸操彈於後園

露霑衣如是三旦王曰子來何霑衣如此對曰園有榆

上有蟬蟬高居悲鳴飲露不知螳螂在其後螳螂之知

捕鳴蟬不知黃雀在其後臣執彈丸欲取黃雀不覺露

霑衣 孔叢子曰邯鄲民以正月旦獻雀於趙王而綴

以五綵王大悅申叔告子從子從曰非先王之法且又不令申叔曰何謂不令曰夫爵者宜受之於上不宜取之於下民非所得制爵也昔虢公祈神神賜之土田是失國而受田之祥也今以一國之王受民之爵何悅乎戰國策曰莊辛謂楚王曰夫雀俯啄白粒仰棲茂樹鼓翅奮翼自以為無患與人無爭也不知夫王孫公子左挾彈右攝丸加十仞之上晝棲乎茂樹夕調酸醎矣史記曰趙武靈王號主父廢長子章而傳國於公子

何主父游沙丘公子章作亂與何戰敗章走趨主父主

父開受之何遂圍主父主父饑探雀穀而食之三月餘

遂餓死沙丘陳留耆舊傳曰圍人魏尚高帝時為太

史有罪繫詔獄有萬頭雀集獄棘樹上拊翼而鳴尚占

曰雀者爵命之祥其鳴即復也我其復官也有頃詔還

故官漢書曰宣帝元康三年詔曰前年夏神雀集雍

大如鸛雀黃喉白領黑背腹斑文今春五色鳥以萬數飛屬縣翱翔而

舞欲集未下其令三輔毋得以春夏摘巢探卵彈射飛

鳥爲令

古今注曰孝哀帝初元三年泰畤殿中有雀

五色頭有冠長寸餘大似雀始到時鳥環其傍 袁山

松後漢書曰陳弇學尚書躬自耕種常有黃雀飛來隨

弇翱翔 東觀漢記曰永安十七年公卿以神雀五色

翔集京師奉觴上壽上令賈逵作神雀頌 又曰永和

十三年安息王獻條枝大雀 謝承後漢書曰瑯琊董

冲爲不其令赤雀乳廳前桑上民爲作歌頌 益部耆

舊傳曰楊宣爲河內太守行縣有羣雀鳴桑樹上宣謂

吏曰前有覆車粟此雀相隨欲往食之行數里果如其
言續齊諧記曰弘農楊寶嘗見一黃雀爲鷓鴣所搏
墜於樹下又爲螻蛄所困寶憐之取置巾箱中養之唯
食黃花百餘日毛羽成放之朝去暮還後忽與羣雀俱
來哀鳴遶室數日乃去爾夕三更寶讀書未臥有黃衣
童子向寶再拜曰我王母使臣爲鷓鴣所搏蒙君拯濟
今當使南海不得復住極以悲傷以白環四枚與寶曰
令君子孫潔白位登三公於此遂絕寶生震震生秉秉

生賜賜生彪四世爲三公

增後漢書曰楊由字襄侯

蜀都人少習易爲文學掾時有大雀夜集庫樓上太守

廉范以問由對曰此郡內當有兵後二十餘日廣柔縣

蠻反殺傷長吏

原蕭廣濟孝子傳曰王祥後母病欲

得黃雀炙祥自念卒難致須臾忽有數十黃雀飛入其

幕中

零陵先賢傳曰周不疑曹公欲以爲議郎不就

時有白雀瑞儒林竝已作頌授紙筆立令復作操奇異

之魏畧曰文帝欲受禪白雀十九見

吳志曰華覈

上孫皓表曰明珠旣覲白雀繼見 吳畧曰景帝永安

六年赤雀見於豫章 異苑曰任城魏肇之初生有雀

飛入其手占者以爲封爵之祥 豫章舊志曰太守孔

竺臨郡三月白雀出南昌太守夏侯嵩臨郡六年白雀

見女羅 又曰晉羅含在任有白雀巢於堂宇及致仕

還家階除忽蘭菊叢生以爲德行之感 羅含傳曰含

在家時有一白雀集堂宇此德行幽感所致 郭璞洞

林曰丞相府有雛雞雀集其背驅之去復來如此再三

令璞占之曰此晉王即祚之漸也 燕書曰愍帝時有

異雀素質綠首集於端門東樹栖翔二旬而去夏四月

以異雀故大赦名東園白雀 段龜龍涼州記曰呂光

太安三年白雀巢陽川令蓋敏室 增南史曰夏侯詳

遭父喪三年廬於墓側常有三足雀來集其廬戶衆皆

異焉 北史曰潘樂初生有一雀止其母左肩占者咸

言富貴之徵因名相貴後以爲字 北齊書曰臨漳縣

令裴鑑莅官清苦致白雀之瑞樊遜上清德頌十首

隋書曰開皇中有神雀降於含章閣高祖召百官宴許善心於座請紙筆製神雀頌奏之高祖甚悅賜物二百疋唐創業起居注曰帝定入關之策平旦有僧俗姓李氏獲白雀而獻之至日未時又有白雀來止帝牙前樹上左右復捕獲焉唐書曰武德中赤雀巢於殿門宴五品以上頌者千餘人極歡而罷又云高祖於太原斬王威有白雀飛入高祖之懷又曰高宗時突厥犯塞有鳴鵲羣飛入塞邊人驚曰此鳥一名突厥雀南

飛則穴厥必入寇已而果然 又曰開元十三年兗州奏白雀見 又曰開元二十二年秋八月甲申幽州長

史張守珪榆關界內好蚘蟲食田稼蔓延入平州俄頃有羣雀來食此蟲一日食盡平州稼穡無有傷者 又

曰張知謇兄弟五人門皆列戟白雀巢其庭 又曰張

九齡母喪白雀巢家樹 東漢劉昊傳曰周太祖少賤

黥其頸上為飛雀世謂之郭雀兒 稽神錄曰徐仲寶

者長沙人為樂平令家人於廁厨鼠穴中得錢甚多仲

寶即率人掘之深數尺有一白雀飛出止於庭樹其下
獲錢至百萬錢盡白雀乃去不知所之

雀三

原巢堂

穿屋

羅含事詳雀二
謂雀無角何以穿我屋

黃口

素質

黃口乳雀

增城

解語

改年

公治長解雀語得免
罪詳雀二漢宣帝

白雀素質凝映

屢有神雀之瑞乃改
年號為神雀元年

生靈丘

乳空井

上見曹大家
賦雀乳空

井

班超獻

賈逵頌

上見曹大家賦
詳雀二東觀漢記

如逐鷹

鸛

馬知鴻鵠

如鷹鸛之逐鳥雀
燕雀馬知鴻鵠志

食以數粒

棲於

一枝

增憑霄

候神

拾遺記舜葬蒼梧之野有鳥如丹雀吐五色氣氤氲如雲名曰

憑霄雀羣飛銜土成墳

漢武故事拜公孫卿爲郎持節候神自太室東來見一人長五丈自稱巨公牽黃犬

持黃雀云欲見

知更

却火

天寶遺事裴耀卿勤於政事夜閱案牘晝決獄

天子因忽不見

訟嘗養一雀每夕自初更有聲至漏盡則急鳴裴呼爲

知更雀

杜陽雜編唐順宗時拘弭國貢却火雀純黑

大似燕其聲清置於火中火自散去遂盛以水晶籠懸於寢殿夜則宮人持蠟炬燒之終不能損其毛羽

銜錢

化金

石晉書右驍騎大將軍張錢始在雍州出遊近郊憩於大塚間忽有黃雀銜一銅錢

置之而去未幾於衙院畫卧見二雀相鬪畢各啖一錢落於前錢以所獲三錢秘於中箱識者以爲大富之徵

異苑永康王曠家井上有一浣衣石時時見有赤氣後二外域人寄居求買此石未及受財曠家人覩二黃

雀聞於石上疾往
取之變成黃金

翟公門

王祥幕

翟方進傳翟公
爲廷尉賓客填

門及廢門可羅爵
入其幕中詳雀二

蕭廣濟孝子傳

兆三公

封上卿

揚寶事詳雀二
神劉翁每欲殺之

張堅字刺渴漁陽人常畜一白雀天
雀輒以報堅堅設方防之劉翁遂

下觀堅盛歎之乃竊乘天翁車騎白龍振策登天既至
玄宮易百官封白雀爲上卿改白雀之裔不產於下土

歷世遺環

百爐別鑄

傳載弘農楊氏高都東房承
四太尉之後世傳黃雀所銜

王環至天寶中爲楊國忠所奪今不知所在
國典畧曰西魏大統七年正月東魏有雀銜永安錢置

泉志三

渤海王高歡前歡世子澄乃令百
爐別鑄此錢鄴中號令公百爐錢

浴沙

置艾

釋氏書雀

却火因浴沙塵受卯
不復顧白居易詩注燕惡艾故雀銜艾置其巢燕即去

埤雅雀爭燕巢銜艾置巢中燕
不復顧白居易詩注燕惡艾故雀銜艾置其巢燕即去

雀四

原嘉賓

雀豹古今注黃雀一名嘉賓

土精

黃雀

食黃花

揚寶事詳雀二

化黃玉

詳雀二孔演圖

銜書爲瑞

周武王時有赤雀銜書

率場啄粟

增斤鶚

莊子斤鶚注言斤與尺同鶚雀飛不過一尺故云尺鶚又名瓦雀以依人檐溜爲巢故稱

瓦雀又有萬雀身微綠色俗謂草雀也

黃口

家語孔子見羅雀者所得皆黃口小雀問曰大雀獨

不得何也羅者曰大雀善驚而難得黃口貪食而易得黃口從大雀則不得大雀從黃口者可得孔子顧謂弟

子曰故君子

長生法

抱朴子吳王伐石治宮室得紫文金簡之書不能讀使問仲尼

慎其所從

曰吳王間居有赤雀銜書以置殿前不知其義仲尼視之曰此乃靈寶方長生之法禹所服也禹將仙化封之

名山石函之中今赤

午日占

唐書崔信明少時重午

雀銜之殆天授也

日中異雀數頭集於庭

樹鳴聲清亮占者曰午日爲火火爲離離爲文彩日中

文之盛也

雀必以文播天下雀形頗小

祿位殆不高也

及長皆

如其言

賀厦淮南子大厦成

夢客

潛居錄昔有人

賓至喜甚詰旦汎掃以待果有一客至談論甚旨已問

主人平生何者最好

主人曰好彈

方取弓理弦客遂化

爲雀飛去後人

祝疾

唐新語成教苛與姚崇親姻寢

因呼雀爲佳賓

疾敬苛造省懷中置生雀數頭

請崇執而放祝

云願令公速愈

集衡九章算術五雀六燕飛集於衡

雀重而燕輕故陸佃謝吏部尚書表云六燕相

五色

停試銓衡其輕重一鴻遼遠欲審別其飛翔

五色

異物彙苑南海有五色雀早見輒雨潦見則霽

惠州

羅浮山有五色雀有貴人至則先翔集東坡集海南

有五色雀俗
謂之鳳皇

白翎

朔漠之地無他禽鳥惟鴻雁與白
翎雀鴻雁畏寒秋南春北白翎雀

雖窮冬沍寒亦不易處故

紇干凍雀

六帖梁太祖迫
請遷都昭宗顧

元世祖作樂名曰白翎雀

瞻陵廟彷徨不忍去謂左右曰紇干山頭

凍死雀何不飛去佳處樂相與泣下霑襟

寶光珠雀

五色線天地運度經太山北有桂樹七十株天神青腰
玉女三千人守之其實赤如橘人食之一年仙官迎之

常有九色飛鳳寶
光珠雀鳴集於此

雀五

原詩晉傅休奕詩曰鵲巢丘城側雀乳空井中居不附

龍鳳常畏蛇與蟲依賢義不恐近暴自當窮 宋鮑照

空城雀詩曰雀乳四穀空城之阿朝食野粟夕飲清河

高飛畏鷂巢下飛畏網羅誠不及青雀遠食玉山禾猶

勝吳宮燕無罪得焚窠賦命有厚薄長歎欲如何 梁

沈約詠雀詩曰肌薄少滋腴色淺非丹翠不懼越王羞

寧懷秦后珥傍檐葺寒草循場啄餘穗且欣大廈成焉

須鴻鵠志 增梁張率滄海雀詩曰大雀與黃口來自

滄海區清晨啄原粒日夕依野株雖憂驚鳥擊長懷沸

鼎虞况復隨時起翻飛不可拘寄信挾彈子莫賤隋侯

珠 北齊蕭轂野田黃雀行曰弱軀媿一作慙彩飾輕毛

非錦文不知鴻鵠志非是鳳皇羣作風隨濁一作濯雨人

曲應玄雲空城舊侶絕滄海故交分寧死明珠彈且避

鷹將軍 隋李孝貞詩曰聽琴旋蔡子張羅避翟公夕

宿寒林上朝飛空井中既竝玄雲曲復變海魚風一報

黃花惠還游萬歲宮 唐李嶠詠雀詩曰大廈初成日

嘉賓集杏梁銜書表周瑞入幕應王祥暮宿空城裏朝

遊漣水旁願齊鴻鵠志希逐鳳皇翔 王維青雀歌曰

青雀翅羽短未能遠食玉山禾猶勝黃雀爭上下唧唧

空倉復若何 又黃雀癡詩曰黃雀癡黃雀癡謂言青

穀是我兒一一口銜食養得成毛衣到大啁啾解游颺

各自東西南北飛薄暮空巢上羈雌獨自歸鳳皇九雛

亦如此莫愁思顛顛損容輝 裴廸青雀歌曰動息自

適性不曾妄與燕雀羣幸忝鵷鷺早相識何時提携致

青雲 崔興宗青雀歌曰青鳬繞青林翩翩陋體一微

禽不應長在藩籬下他日凌雲誰見心 王縉青雀歌

曰林間青雀兒來往翩翩繞一枝莫言不解銜環報但

問君恩今若爲

儲光羲野田黃雀行曰嘖嘖野田雀

不知軀體微閒穿深叢裏

一作疎
蒿裏

爭食復爭飛蕭條空

倉暮相引時來歸斜路豈不捷渚田豈不肥水長路且

壞惻惻與心違

李白野田黃雀行曰遊莫逐炎洲翠

棲莫近吳宮燕吳宮火起焚爾

一作
巢

窠炎洲逐翠遭網

羅蕭條兩翅蓬蒿下縱有鷹鷂奈若

一作
爾

何張籍雀

飛多詩曰雀飛多觸網羅網羅高樹顛汝飛蓬蒿下勿

復投身羅網間粟積倉禾在田巢之雛望其母來還

王建空城雀詩曰空城雀何不飛來人家住空城無人
種禾黍土間生子草間長滿地蓬蒿幸無主近村雖有
高樹枝雨中無食常苦饑八月小兒挾弓箭家家畏向
田頭飛但能不出空城裏秋時百草皆有子報言黃口
莫啾啾長爾得成無橫死 孟郊空城雀詩曰一雀入
官倉所食寧損幾祇慮往復頻官倉終害爾魚網不在
天鳥羅不張水飲啄要自然可以空城裏 又黃雀吟

曰黃雀舞承塵倚恃主人仁主人忽不仁買彈彈爾身

何不遠飛去蓬蒿正

一作止

繁新蒿粒無人爭食之足爲

珍莫覩翻車粟覩翻罪有因黃雀不知言贈之徒殷勤

賈島和朱評事義雀行曰鳥雌雄俱春雷驚蟄餘

口銜黃河泥空即翔天隅一夕皆莫歸曉曉遺衆雛雙

雀抱仁義哺食忘勞勗雛既遷迤飛雲間聲相呼燕雀

雖微類感媿誠不殊禽賢難自彰幸蒙

一作得

主人書

莊南傑黃雀行曰穿屋穿牆不知止爭樹爭巢入營死

林間公子挾彈弓，一九致斃花叢裏。小口黃雛未有知，

青天不解高高飛。虞人設網當要路，白日啾嘲禍萬機。

李頻黃雀行曰：欲竊高倉集，御河翩翩疑渡畏。秋波

朱宮晚，樹侵鶯語畫閣香。簾奪燕窠疎葉暗，棲寒露重

空城饑噪暮煙多。誰令不解高高飛，去破宅荒庭有網羅。

劉駕空城雀詩曰：饑啄空城土，莫近太倉粟。一粒未

充腸，却入公子腹。且弔城下客，豈曾空爾族。不聞莊辛

語，今日寒蕪綠。李咸用空城雀詩曰：啾啾空城雀，一

啄數跳躍寧尋覆轍餘豈比巢危幕茫茫九萬鵬百雉
且爲樂 楊發檐雀詩曰弱羽怯孤飛投檐幸所依銜
環惟報德賀厦本知歸紅紫休爭顧丹心自識機從來
攀鳳足生死戀光輝 南唐陳陶空城雀詩曰古城濛
濛花覆水昔日住人今住鬼野雀荒臺遺子孫千年飲
啄枯桑根不隨海燕柏梁去應無玉環銜報恩近村紅
粟香壓枝嗷嗷黃口訴朝饑生來未見鳳皇語欲飛常
怕蜘蛛絲斷腸四隅天四絕清泉綠蒿無恐疑 唐僧

貫休野田雀詩曰高樹風多吹爾巢落蒿深葉暖宜爾
依泊莫近鷄類蛛網亦惡飲野田之清水食野田之黃

粟深花中睡勃

一作浮

土裏浴如此即全勝啄太倉之穀

而穿人之屋 宋余靖五色雀詩序曰羅浮有五色雀

各被方色非時不見若士大夫將游是山則先入羣翔

寺僧以是爲候某庚辰歲謫官來游將至之夕茲雀亦

集感之成詠云五方純色儼衣冠

尤可愛者朱藍正色若朝服焉

應是

山靈寄羽翰多謝相逢殊俗眼謫官猶作貴人看 蘇

軾五色雀詩序曰海南有五色雀常以兩絳者為長進
止必隨焉俗謂之鳳皇云久旱而見輒雨潦則反是吾
卜居儋耳城南嘗一至庭下今日又見之吾舉酒祝之
曰若為吾來者當再集也已而果然乃為賦詩曰粲粲
五色羽炎方鳳之徒青黃縞黝服翼衛兩紱朱仁心知
閔農嘗告雨霽符我窮惟四壁破屋無瞻烏惠然此粲
者來集竹與梧鏘鳴如玉佩意欲相嬉娛舉杯得一笑
見此紅鸞雛高情如飛仙未易握粟呼胡為去復來春

春豈屬吾回翔天壤間何必懷此都 朱子黃雀詩曰

黃雀飛鳴處交交異竊脂稻梁求易足羅網去何遲味

厚資偏嗜謀疎闕自爲韓彭尚菹醢么麼爾誠宜 明

陳憲章旌節亭瓦雀詩曰瓦雀喜亭栖丹青意自迷雨

餘寄麗日花底啁香泥竝語聲全碎追飛羽忽低悠悠

去繒繳款款戀棧題卵育非無地兒羣或引梯慣行書

案上漸滿井闕西不羨雕籠養真堪畫卷攜由來親白

首那更避青藜狎久如私昵喧多類滑稽行藏非社燕

飲啄混家雞度嶺千回歇排風幾寸躋冥鴻於汝輩滄海一涔蹄

原賦後漢曹大家大雀賦曰大家同產兄西域都護定遠侯班超獻大雀詔令大家作賦曰嘉大雀之所集生崑崙之靈丘同小名而大異乃鳳皇之匹儔懷有德而歸義故翔萬里而來遊集帝庭而止息樂和氣而優游上下協而相親聽雅頌之雍雍自東西與南北咸思服而來同

增表周庾信爲齊王進赤雀表曰光同朱鳳色類丹鳥
降火飛精似入公車之府流金成製若上凌雲之臺豈
直雲中太守見赤心之奉主蓬萊童子知白環之報恩
燕一

原春秋運斗樞曰瑤光星散爲燕 爾雅曰燕燕乙也

廣雅曰玄鳥燕也 增又曰燕一名鷦鷯齊曰燕梁

曰鵠大如雀而長觿

音聶

口布翅岐尾巢於梁間春社來

秋社去故謂之社燕栖於巖崖者爲土燕 本草釋名

曰燕子篆文象形乙者其鳴自呼也黝其色也鷹鷂食之則死能制海東青鵲故有鷺鳥之稱能興波祈雨故有游波之號 本草集解曰燕生高山平谷有兩種紫

胸輕小者是越燕有班黑而聲大者是胡燕胡燕作窠長能容二疋絹者令人家富也若窠戶北向而尾屈色白者是數百歲燕 陶隱居曰越燕多在堂室中梁上作巢胡燕多在檐下作巢 續酉陽雜俎曰世說蓐泥爲窠聲多稍小者謂之漢燕 原說文曰燕布翅枝尾

作巢避戊己 增埤雅曰戊己其日皆土故燕之往來

避社而嘍土

銜泥也

避戊己日

續博物志曰燕銜泥避

戊己日則巢固而不傾 物類相感志曰燕子戊日不

歸家 又曰雷數云海竭江枯投游波而立泛言江海

乾投燕於其中水立漲 本草集解曰燕巢有艾則不

居凡狐貉皮毛見燕則毛脫物理使然 禽經曰鳥向

啼背栖燕背飛向宿 夏小正曰五月燕來降乃睇降

者下也言來者何也莫能見始出也故曰來降言乃睇

何也睇者盼也盼視可爲室者也百鳥皆曰巢燕言室者操泥而入人之室也 原禮記曰仲春之月玄鳥至至之日以太牢祀於高禘 增汲冢周書時訓解曰春分之日玄鳥至不至婦人不勤白露玄鳥歸不歸室家離散 酉陽雜俎曰或言燕蟄井底舊說燕不入室是井虛也取桐爲男女各一投水中燕必來 文昌雜錄曰世言燕子至秋社乃去仲春復來昔年因京東開河岸崩見蟄燕無數乃知燕亦蟄爾驚蟄後中氣乃出非

渡海也 原玄中記曰千歲之燕戶北向 增述異記

曰五百歲燕生胡髯 酉陽雜俎曰妾媵有制則白燕

來巢 易占曰山見白燕其君宜得貴女 俗名燕 爲天女 博

物志曰人食燕肉不可入水爲蛟龍所吞 李時珍曰

淮南子言燕入水爲蜃蛤故高誘註謂蛟龍嗜燕人食

燕者不可入水而祈禱家用燕召龍 本草集解曰石

燕似蝙蝠口方食石乳汁燕有三種此則土燕乳於巖

穴者是矣 原湘中記曰零陵有石燕形似燕得雷風

則飛頡頏如真燕 茅君傳曰句曲山上有神芝五種

第三名燕胎芝其色紫形如葵葉上有燕像如欲飛狀

光明洞徹食一株拜爲太清仙君正一郎中 毛詩曰

燕燕衛莊姜送歸妾也燕燕於飛差池其羽下上其音

又曰天命玄鳥降而生商宅殷土芒芒 楚辭曰燕

兮亂羣 增莊子曰鳥莫智於意而目之所不宜處不

給視雖落其實棄之而走其畏人也而襲諸人間社稷

存焉爾

注人間堂上社稷之神存焉神德好生故託於神以免禍也襲入也言雖畏人實與人相近入

於堂室

原淮南子曰大廈成而燕雀相賀

燕二

原左傳郊子云少皞時玄鳥氏司分者也 田俅子曰

少昊之時赤燕一雙而飛集少昊之戶遺其丹書 呂

氏春秋曰有娥氏有二佚女爲九成之臺帝令燕往夜

鳴二女愛而爭搏之覆以玉筐少選視之燕遺二卵北

飛不返二女作歌始遺北音 列仙傳曰簡狄帝嚳次

妃有娥之女也姊妹浴於玄丘之水有玄鳥銜卵而墜

五色甚好相與競取簡狄得而吞之生禹

詳符命

史記

曰秦之先顓頊之苗孫曰女修女修織玄鳥墮卵女修

吞之生大業

增鄭嫫記曰周穆王迎意而子居靈界

之宮訪以至道後欲以爲司徒意而子愀然不悅奮身

化作玄鳥飛入雲中故後人呼玄鳥爲意而原左傳

曰吳公子札自衛如晉將宿於戚

戚孫文子邑

聞鐘聲曰異

哉夫子獲罪於君以在此

文子時以戚叛

懼猶不足而又何樂

夫子之在此也猶燕之巢於幕下也

言至危

史記曰臨

江閔王榮坐侵廟壩爲宮上徵榮榮詣中尉府中尉郅都責訊王王恐自殺葬藍田燕數萬銜土置冢上百姓憐之漢書名臣奏曰丞相薛宣對曰茂陵寢上食日

玄鳥來集吐所含大豆紫黑色翱翔殿上此陛下永與天無極天下幸甚增西京雜記曰元后在家嘗有白燕銜白石大如指墜后續筐中后取之石自剖爲二中有文曰母天地后乃合之遂復還合乃寶錄焉後爲皇后并置璽笥中謂爲天璽也搜神記曰成帝綏和二

年三月天水平襄有燕生雀哺食至大俱飛去 原漢
書曰王莽開哀帝母丁姬家有燕數千銜土投其窟中

增高僧傳曰安清字世高安息國太子也漢桓帝時
人聰敏博學鳥獸之聲無不綜達常行見羣燕忽謂伴
曰燕云應有送食者頃之果有致焉衆咸竒之 拾遺

記曰魏禪晉之歲北闕下有一白燕以為神物以金爲
籠置於宮中旬日不知所在論者以晉金德之瑞昔師
曠時有白燕來巢檢瑞應圖果如所論白色叶於金德

師曠事晉古今之議相符矣 搜神記曰魏景初元年

有燕生巨鵲於衛國李蓋家形若鷹吻似燕 原晉中

興書曰中原喪亂鄉人遂共推郝鑒爲主與千餘家俱
避難於魯國嶧山山有重險百姓饑饉野無生草時或
掘野鼠蟄燕而食之 增載記曰慕容儁時燕來於儁

正陽殿之西椒生三頭頭上有豎毛凡城獻異鳥五色

成章儁謂羣僚曰是何祥也咸稱燕者燕鳥也首有毛

冠者言大燕龍興冠通天章甫之象也巢正陽西椒者

言至尊臨軒朝萬國之徵也三子者數應三統之驗也
神鳥五色言聖朝將繼五行之籙以御四海者也雋覽
之大悅 原 龜龍涼州記曰呂光太安三年白燕遊
酒泉郡黑燕列從 王威別傳曰時有白燕來翔被令
爲賦 宋元嘉起居注曰元年七月有白燕集於齊郡
遊翔庭宇經九月乃去衆燕翼隨恒有數千 增元嘉
二十八年魏人破南兗徐豫青冀殺掠不可勝計所過
郡縣赤地無餘春燕歸來巢於林木 後魏書曰李惠

爲雍州廳事有燕爭巢鬪已累日惠令人掩獲試命網
紀斷之竝辭惠乃使卒以弱竹彈兩燕既而一去一留
惠笑謂吏屬曰此留者自計爲巢功重彼去者既經楚
痛理無固心羣下服其深察 原宣城記曰侍中紀昌
睦初生有白燕一雙出屋既表素質宦途亦通 增陳
書曰高士馬樞日常黃能視暗中物有白燕一雙巢其
庭樹馴狎闔廡時上几案春來秋去幾三十年 續異
記曰孫氏妻黃見一童子當前以釵擲之躍入雲去夜

聞戶外歌曰昔填夏家塚輦泥頭欲禿今寄黃氏居非
意傷我目及尋覓巢中得一白燕其目果傷 孔帖曰
崔文獻居父喪廬有燕更巢共乳 瑣碎錄曰俗傳燕
巢人家戶向內及長過尺者吉祥也集賢張公每歲燕
巢正寢其長可容匹練戶悉內向數年遂登庸 澹山
雜識曰宋錢惟演自充守罷築室於揚亦既五年忽春
深巢燕不歸已疑之默訪諸寺觀州宅皆不至不二
一城丘墟矣 中州集曰金宣撫使田琢字器之從軍

塞外舍中有燕來巢土人不識屢欲捕之琢曲爲全護
一日飛止坐隅巧語移時不去琢悟明日秋社燕當歸
此殆爲留別語也因作詩贈云幾年塞外歷奇危誰謂
烏衣亦北飛朝向蘆陂知有爲暮投第舍重相依君憐
我處頻迎語我憶君時不掩扉明日西風悲鼓角君應
先去我何歸遂爲蠟丸繫其足上又數年爲潞州觀察
判官一日坐解舍之含翠堂忽雙燕至一飛檐戶間一
上硯屏諦視即前燕也其蠟丸尚在 驪珠雜錄曰時

大本賦白燕詩呈楊鐵厓鐵厓極稱珠簾玉翦之句袁
景文在坐曰詩雖佳未盡體物之妙廉夫不以爲然景
文歸作詩翌日呈之鐵厓擊節歎賞連書數紙盡散坐
客一時呼爲袁白燕以此得名

詩竝
詳後

燕三

原立祠

巢幕

高辛氏之世鳧鳥遺卵有城女簡狄吞
之生契後王以爲稷官嘉祥而立其祠

焉 下詳
燕二左傳

留爪

隕卵

吳宮燕吳宮人留爪以記
更來 下詳燕二史記

于飛

相賀

上見燕一毛詩
下詳燕一淮南子

命官

表瑞

燕春分
來秋分

去命爲司分之官
蕭詮詩表瑞玉筐中

火焚

石化

始皇時吳宮守吏
以火照燕窟誤燒

吳宮下詳
燕一湘中記

宿棟

入簾

桂棟本曾宿
風簾入雙燕

銜花

啄

草

簡文詩銜花落北牕
辛女頌銜泥啄草

班超領

佚女歌

人相班超
燕領飛而

食肉萬里侯相也後封爲定
遠侯下詳燕二呂氏春秋

謀官祠

仙人履

上詳
立祠

作江總詩若
仙人履

冬藏夏見

陰匿陽顯

上古詩
魏明帝歌下

頡頏

啁啾

上毛詩禮至於燕
雀猶有啁啾之頃焉

增怨春

向日

李賀

詩勞勞胡燕怨春酣
越春秋越燕向日而熙

分梁

迎絮

方回詩北屋
燕分梁趙

孟頫詩輕燕
受風迎落絮

紫領

紅襟

時大本詩見後
仙芝詩曉幕紅襟燕

射

卵

繫縷

魏志諸葛原遷新興太守祖餞賓客竝會取燕卵著器中使管輅射之輅曰含氣須變依

於室堂雌雄以分翅未舒張此燕卵也

南史襄陽霸

城王整之姊嫁爲衛敬瑜妻年十六而敬瑜亡父母舅

姑咸欲嫁之截耳爲誓乃止所住戶有燕窠常雙飛來

去後忽孤飛女感其偏栖乃以縷繫足爲記後歲此燕

果復更來猶帶前縷女復爲詩曰昔年無偶

服芝

去今春猶獨歸故人恩義重不忍復雙飛

夢玉

抱朴子千歲燕戶向北其色白而尾屈陰乾之末服一頭得五百歲此肉芝也開元遺事張說母

夢玉燕自東飛投懷中

已而有孕生說果爲相

燕四

原啄皇孫

漢成帝時諶曰燕燕尾涎涎燕飛來啄皇孫皇孫死燕啄矢涎涎光澤貌喻趙飛燕害皇

子 食蔌藜

續搜神記沛國有人生三兒不語有一人就門乞食曰君有罪可還內思其愆其人

曰昔爲小兒時燕有三子試以指內巢中燕子開口乃以蔌藜食之吞之即死其母尋迴不見其子徘徊悲啼

而去今甚悔之

赤燕

嬌燕

增湘中書

天寶遺事長安富商

任宗爲賈湘中數年不歸其妻紹蘭親堂燕長吁語曰我聞爾從海東來往復必經湘中我壻離家數年欲憑

爾附詩任郎可乎燕即飛下紹蘭作詩一絕云我壻去重湖臨牕泣血書殷勤憑燕翼寄與薄情夫將詩繫燕

足燕遂飛鳴而去時宗在荊州忽有燕繞身而飛止於肩足有小封乃妻所書也宗感而泣下次年歸

烏衣國

劉斧撫遺王謝金陵人航海遇風抵一州其王以女妻之女曰此烏衣國也後謝思歸王命取

飛雲車送之至家見梁上雙燕呢喃乃悟所止燕子國也至秋二燕將去悲鳴庭戶謝書一絕繫燕尾曰誤到

華胥夢裏來玉人終日苦憐才雲軒飄去無消息淚灑
春風幾百回燕寄詩去來春復至尾有小東乃女所寄
詩曰昔日相逢冥數合如今睽遠是生
離來春縱有相思字三月天南雁不飛
玉真神程迥

川之後一日有物如燕瞥然自外飛入就視乃一美婦
僅長五六寸而形體皆具容服甚麗見人殊不驚小聲
嚶嚶可辨自言我玉真娘子也偶至此非爲禍苟能事
我亦甚善其家乃就壁爲龕以香火奉之能預言休咎
皆驗好事者往求觀輸百
錢乃啟龕期年忽飛去
化青衣太平廣記後魏元

徵不出齋前常有雙燕爲巢歲歲必至一日燕曰景恬
景恬樂以終身道康驚異曰爾禽而語何也燕曰我爲
上帝所罪暫爲禽以卿盛德故來相依來日晝時往前
溪相報道康策杖而往見二燕自北嶺飛來一化爲青
衣童子一化爲青衣女子前來謂道康曰今我便歸無
以留別卿有隱志幽陰見嘉壽更四十歲以此相報言

訖復爲雙燕飛去

湖陰留題

王直方詩話揚德逢號湖陰先生丹陽陳輔每歲清明過金陵

上塚事畢則至蔣山過湖陰先生之居清談終日歲以爲常元豐間連歲訪之不過題一絕於門云北山松粉未飄花白下風輕麥脚斜身是舊時王謝燕一年一度到君家湖陰歸見其詩吟賞久之曾稱於王荆公荆公笑曰此正戲君爲尋常百姓耳湖陰亦大笑

靈鷲異瑞

廣弘明集宋劉義隆時天竺僧求那

跋摩將詣揚州路過靈鷲寺謂寺僧曰此間尋有異瑞兼直王者登臨其年冬果有羣燕共銜繡像委之堂內及齋主蕭道成初爲始興太守游於此寺而起白塔

貞燕

元貞二年雙燕巢於燕人柳湯佐之宅

一夕家人舉燈照蝎其雄驚墮爲貓所食雌傍徨悲鳴不已朝夕守巢哺諸雛成翼而去明年雌獨來復巢其處人視巢生二卵疑其更偶徐伺之則抱雛之殼耳

妬燕

王堂閒話五代漢戶部侍郎范質言嘗有

燕巢於舍下雛已哺食矣其雌者爲貓所搏食雄咽啾
久之方去即時又與一燕爲匹而至哺雛如故不數日
雛相繼墮地宛轉而殭兒童剖腸視之
則有蒺藜在嚆中蓋爲繼偶者所害

燕五

原詩古詩曰思爲雙飛燕銜泥上君屋 又曰翩翩堂

前燕冬藏夏來見兄弟两三人流宕在他縣 魏明帝

短歌行曰翩翩春燕端集余堂陰匿陽顯節運自常厥

貌淑美烏衣素裳歸仁服德雌雄頡頏執志精專潔行

循良銜土善巢有式官房不規自圓無矩而方 宋鮑

照詠雙燕詩曰雙燕戲雲崖羽翮始差池出入南閨裏

經過北堂陸意欲巢君幕層楹不可窺沉吟芳歲晚徘徊

徊韶影移悲歌辭舊愛銜淚覓新知 梁簡文帝雙燕

詩曰雙燕有雌雄照日羽差池銜花落北戶逐蝶尚南

枝桂棟本曾宿虹梁早自窺願得長如此無令雙燕離

又詠新燕詩曰新禽應節歸俱向吹樓飛入簾驚釧

響來牕礙舞衣 吳均詠燕詩曰一燕海上來一燕高

堂息一朝相逢遇依然舊相識問予來何遲山川幾紆

直答言海路長風駛飛無力 庾肩吾詠檐燕詩曰雙
燕集蘭閨雙飛高復低向戶疑新箔登巢識故泥依欄
本相賀近幕願同栖 又和晉安王詠燕詩曰可憐幕
上燕差池弄羽衣夜夜同巢宿朝朝相背飛銜泥瞻樂
善相賀奉英徽秋蟬行寂寞戀此未辭歸 增梁沈君

攸雙燕離詩曰雙燕雙飛雙情相思容色已改故情不
衰雙入幕雙出帷秋風去春風歸幕上危雙燕離銜羽
一別涕泗垂夜夜孤飛誰相知左回右顧還相慕翩翩

桂水不忍渡懸目挂心思越路紫鬱摧折意不泄願作

鏡鸞相對絕

一作孤鸞
鏡中絕

原陳蕭詮詠銜泥雙燕詩曰

銜泥金屋外表瑞玉筐中學飛疑漢妾巢幕憚吳宮爪
截還獨短巢成新尚空詎竝零陵石飛舞逐春風江

總詠燕燕于飛應詔詩曰二月春暉暉雙燕理毛衣銜

花弄霍靡拂葉隱芳菲或在堂間戲多從幕上飛若作

仙人履應徃日南歸隋虞世基賦得戲燕俱宿詩曰

大厦初構與雲齊歸燕雙入正銜泥欲繞歌梁向舞閣

偶爲仙履往蘭閨千里爭飛會難竝聊向吳宮比翼栖

增唐李嶠燕詩曰天女伺辰至烏衣澹碧空差池沐

時雨頔頔舞春風相賀雕楹側雙飛翠幕中勿驚留爪

去猶冀識吳宮 宋之問燕巢軍幕詩曰非關憐翠幕

不是厭朱樓故來呈燕頔報道欲封侯 張九齡燕詩

曰海燕何微眇乘春亦暫來豈知泥滓賤祇見玉堂開

繡戶時雙入雕梁日幾回無心與物競鷹隼莫相猜

張鷟燕詩曰變石身猶重銜泥力尚微從來赴甲第兩

起一雙飛 李白雙燕離詩曰雙燕復雙燕雙飛令人

羨玉樓珠閣不獨栖金牕繡戶長相見柏梁失火去因
入吳王宮吳宮又焚蕩離盡巢亦空憔悴一身在孀雌
憶故雄雙飛難再得傷我寸心中 杜甫雙燕詩曰旅

食驚雙燕銜泥入此堂應同避燥濕且復過炎涼養子
風塵際來時道路長今秋天地在吾亦離殊方 又歸
燕詩曰不獨避霜雪其如儔侶稀四時無失序八月自
知歸春色豈相訪衆雛還識機故巢儻未毀會傍主人

飛 又燕子來舟中作曰湖南爲客動經春燕子銜泥

兩度新舊入故園嘗識主如今社日遠看人可憐處處
巢君室何異飄飄託此身暫語船櫓還起去穿花貼水
益霑巾 徐璧春燕詩曰雙燕今朝至何時發海濱窺

人向檐語如道故鄉春 顧况空梁落燕泥詩曰卷幕

差池燕常銜濁水泥爲黏朱履迹未等畫梁齊舊點痕
猶淺新巢緝尚低不緣頻上落那得此飛栖 韋應物
燕銜泥詩曰銜泥燕聲嘯嘯尾涎涎秋去何所歸春來

復相見豈不解決絕高飛碧雲裏何爲地上銜泥滓銜

泥雖賤意有營杏梁朝日巢欲成不見百鳥畏人林野

宿翻遭網羅俎其肉未若銜泥入華屋燕銜泥百鳥之

智莫與齊 錢起賦得巢燕送客詩曰能栖杏梁際不

與黃雀羣夜影寄紅燭朝飛高碧雲含情別故侶花月

惜春分 皇甫冉檐燕詩曰拂水競何忙傍檐如有意

翻風去每遠帶雨歸偏駛今君裁杏梁更欲年年去

李益賦得早燕送別詩曰碧草繆如綫去來雙飛燕長

門未有春先入班姬殿梁空繞復息檐寒窺欲徧今至
隨紅萼昔還悲素扇一別無秋鴻差池詎相見武元
衡歸燕詩曰春色徧芳菲閒檐雙燕歸還同舊侶至來
遶故巢飛敢望煙霄達多慙羽翮微銜泥傍金砌拾蕊
到荆扉雲海經時別雕梁長日依主人能一顧轉盼自
光輝劉禹錫詩曰朱雀橋邊野草花烏衣巷口夕陽
斜舊時王謝堂前燕飛入尋常百姓家白居易晚燕
詩曰百鳥乳雛別秋燕獨蹉跎去社日已近銜泥意如

何不悟時節晚徒施工用多人間事亦爾不獨燕營巢

王建春燕詞曰新燕新燕何不定東家綠池西家井

飛鳴當戶影悠揚一遶檐頭一遶梁黃姑說向新婦女

去年墮子汚衣箱已能辭山復過海幸我堂前故巢在

求食慎勿愛高飛空中飢鳶爲爾害辛勤作窠在畫梁

願得年年主人愛楊巨源宮燕詞曰毛衣似錦語如

絃日暖爭高綺陌天幾處野花留不得雙雙飛向御爐

前張祜洞房燕詩曰清曉洞房開佳人喜燕來乍疑

釵上動輕似掌中迴暗語臨牕戶深窺傍鏡臺妝成正

含思莫拂畫梁埃

章孝標歸燕詞曰舊壘危巢泥已

落今年故向社前歸連雲大廈無棲處更傍誰家門戶

飛杜牧村舍燕詩曰漢宮一百四十五多下珠簾閉

瑣牕何處營巢夏將半茅檐煙裏語雙雙又歸燕詩

曰畫堂歌舞喧喧地社去社來人不看長是江樓使君

伴黃昏猶待倚闌干李商隱越燕詩曰上國社方見

此鄉秋不歸爲矜皇后舞猶著羽人衣拂水斜紋亂銜

花片影微廬家文杏好試近莫愁飛 又曰將泥紅蓼

岸得草綠楊村命侶添新意安巢復舊痕去應逢阿母

來莫害皇孫記取丹山鳳今爲百鳥尊 趙嘏空梁落

燕泥詩曰春至今朝燕花時伴獨啼飛斜珠箔隔語近

畫梁低帷卷閒窺戶林空暗落泥誰能長對此雙去復

雙栖 李山甫燕詩曰每歲同辛苦看人似有情亂飛

春得意幽語夜聞聲整羽莊妻恨迴身漢后輕豪家足

金彈不許汙雕楹 秦韜玉燕詩曰不知大廈許栖無

頻已銜泥到座隅曾與佳人竝頭語幾回拋却繡工夫
司空圖燕詩曰從撲香塵拂面飛憐渠只爲解相依
經冬好近深爐暖何必千巖萬水歸 鄭谷燕詩曰年

去年來來去忙春寒煙暝渡瀟湘低飛綠岸和梅雨亂
入紅樓揀杏梁閒几硯中闕水淺落花徑裏得泥香千
言萬語無人會又逐流鶯過短牆 吳融燕雛詩曰掠
水身猶重偎風力尚微瓦苔難定立檐雨忽喧歸未識
重溟遠先愁一葉飛銜泥在他日兩兩占春暉 王穀

燕詩曰海燕雙飛意若何曲梁嘔嘎語聲多茅檐不必

嫌卑陋猶勝吳宮燕爾窠 歐陽澣燕詩曰翩翩雙燕

畫堂開送古迎今幾萬回長向春秋社前後爲誰歸去

爲誰來 杜荀鶴春來燕詩曰我屋汝嫌低不住雕梁

畫閣也知寬大須穩擇安巢處莫道巢成却不安 劉

兼春燕詩曰多時牕外語呢喃只要佳人卷繡簾大厦

已成須慶賀高門頻入莫憎嫌花間舞蝶和香趁江畔

春泥帶雨銜栖息數年情已厚營巢爭肯傍他檐 南

唐李建勳歸燕詞曰羽翼勢雖微雲霄亦可期飛翻自

有路鴻鵠莫相嗤待侶臨書幌尋泥傍藻池衝人穿柳

逕捎蝶遶花枝廣廈來應徧深宮去不疑雕梁聲上下

煙浦影參差舊地人潛換新巢雀漫窺雙雙暮歸處疎

雨滿江湄成彥雄新燕詩曰纔離海島宿江濱應夢

笙歌作近鄰減省雕梁竝頭語畫堂中有未歸人李

中燕詩曰豪家五色泥香銜得營巢太忙喧覺佳人晝

夢雙雙猶在雕梁蜀韋莊燕來詩曰去歲辭巢別近

鄰今來空訝草堂新花間對語應相問不是村中舊主

人吳越羅隱燕詩曰不必嫌漂露何妨養羽毛漢妃

金屋遠盧女杏梁高野迴雙飛急煙晴對語勞猶勝黃

雀在栖息是蓬蒿閩徐夔燕詩曰從待銜泥濺客衣

百禽靈性比他稀何嫌何恨秋須去無約無期春自歸

鵬鷄不容因自怪棟梁堪庇願相依吳王宮女嬌相襲

合整雙毛預奮飛宋韓琦來鳳詩曰來鳳趨社期翩

若天外至徘徊大廈間汲汲營巢意中心有所託自謂

得其地銜泥兩吻瘡旦暮不少憩主人愛高堂病爾如

疣贅爾巢累膚寸長挺輒摧墜胡爲不識嫌又續前功

棄何處無蓬茅自足爲生計不爾卵而覆其禍愈非細

余既傷爾愚竊復探爾志孜孜不忍去欲動主人義萬

一憐其勤庶或息我類巨棟既不撓出處安且貴其能

無報乎惟守信無貳年年應候來馴狎如兒稚雙雙軒

戶前爲君作嘉致不學君家客去就惟勢利微羽一知

歸至死不他詣 梅堯臣燕詩曰前村春社畢今日燕

來飛將補舊巢闕不嫌貧屋歸銜泥和草梗倒翅過柴

扉豈比驚九鳥迎人欲拂衣 又曰雙燕銜泥日深堂

拂玉琴不教開閣戶乃見主人心掠水飛殊捷迎風去

已禁短書猶可寄聊爾託微吟 宋祁燕詩曰翬檐文

杏暖蘭橈舊巢空石冷休翻雨簾開且待風飾釵聊伴

鳳傳信肯饒鴻欲問張公子蒼琅掩漢宮 王安石燕

詩曰處處定知秋後別年年長向社前逢行藏似欲追

時節豈是人間不見容 又曰馬上逢歸燕知從何處

來貪尋舊巢去不帶錦書回 范成大雙燕詩曰底處

雙飛燕銜泥上藥欄莫教驚得去留取隔簾看 陸游

燕詩曰春晝花明映柳纖燕歸勝事始能兼爭梁諍語

驚幽夢掠地斜飛避畫簾雛食得蟲應自喜巢泥經雨

更頻添去來要自知時節嘗怪人嘲作附炎 又詩曰

初見梁間牖戶新銜泥已復哺雛頻只愁去遠歸來晚

不怕低飛打著人 元劉秉忠留燕詩曰銜泥舊燕壘

新巢來往如辭曲折勞蝸舍雖微足容爾晝梁爭得幾

多高 馬祖常誚燕詩曰風雨池塘鬪頡頏春來秋去

一生忙世間多少寬閒境辛苦營巢傍屋梁 納新京

城燕詩曰三月京城寒悄悄燕子初來怯清曉河堤柳

弱冰未消牆角杏花紅萼小主家簾幕重重垂銜芹却

向簾間飛託巢未穩井梧墜翩翩又向南天歸君不見

舊時王謝多樓閣青瑣無塵卷珠箔海棠花外春雨晴

芙蓉葉上秋霜薄 謝宗可睡燕詩曰補巢銜罷落花

泥困頓東風倦翼低金屋晝長隨蝶化雕梁春盡怕鶯

啼魂飛漢殿人應老夢入烏衣路轉迷却怪卷簾人喚
醒小橋深巷夕陽西 吳師道燕子行曰清江朱樓相
對開去年燕子雙歸來東風吹高社雨歇一日倏忽飛
千回翻身初向煙中沒掠地復穿花底出花飛煙散江
冥冥城郭參差滿斜日無情遊子去不還短書寄汝秋
風前繡簾不卷春色斷空梁泥墮琵琶絃飛檣冉冉瀟
湘浦春盡天涯路修阻一夜相思柳色深獨上樓頭淚
如雨 明劉基雙燕離詩曰雙燕營巢時雙飛復雙語

輕盈柳陌風振迅
芹塘雨巢成近
繡幃雙宿更雙飛
爲蒙主人愛不信
有睽違四月溫風
起榴花發紅蕊拾
蟲還哺雛出入無
停觜五月教雛飛
繞巢舞烏衣側避
蛛絲過斜紫柳線
歸六月雛翼老分
飛各相保脈脈傍
珠簾依依集蘭橈
世事有轉旋陵谷
一朝遷昆明延劫
火甲第化歌煙帶
睡驚飛出塵沙兩
相失死生不得知
嬾婉從茲畢回看
舊主人粉黛成灰
塵天高雲渺渺海
濶波鱗鱗荏苒朝
還暮惻惻向何處
毛凋半夜霜淚滴
三

春露露寒霜又濃
憔悴不成容
同心諒難隔
魂魄終相從
袁凱白燕詩曰
故國飄零事已非
舊時王謝見應稀
月明漢水初無影
雪滿梁園尚未歸
柳絮池塘香入夢
梨花庭院冷侵衣
趙家姊妹多相忌
莫向昭陽殿裏飛
又新燕詩曰
乍拂芳池遠還窺
繡幕重莫將花片蹴
飛舞滿筵中
時大本白燕詩曰
春社年年帶雪歸
海棠庭院月爭輝
珠簾十二中間捲
玉翦一雙高下飛
天下公侯誇紫領
國中儔侶尚烏衣
江湖多少閒鷗鷺

宜與同盟伴釣磯

高啟燕燕于飛詩曰燕燕何處飛

相見江南路鶯香細雨春柳色芳煙暮纔從箔外歸復

向舟前度莫入未央宮身輕有人妬 又燕至詩曰初

來如報社前春好宿茅檐伴客身莫入江海舊庭院杏

花風雨總無人 楊基雪中燕詩曰燕雪兩差池相兼

拂繡幃玉樓迷故壘珠箔見烏衣斜訝衝花落輕疑掠

絮飛曉寒人未起還認畫梁歸 李東陽燕詩曰繡戶

朱簾有路歧別時嫌早到嫌遲主家只解憐毛羽斲盡

雕梁不自知 徐禎卿燕詩曰風暖池塘得意春水芹

煙草一回新傍花掠羽差差影衝雨歸巢煦煦親眼底
興衰王謝宅樓中恩怨綺羅人間追往事如相話只有
儂家似舊貧 楊慎雙燕曲曰有鳥名飛燕雄雌自相

將飲君王池水巢君文杏梁美人當軒坐恐浣羅衣裳
請君驅除之君憐不忍傷雛生八九子嬌愛比鳳凰鳴
聲何啾啾聞我庭東廂習飛還不遠墮墜雙扉旁主人
戒廬兒毛羽無摧戕不啄五株桃不啖五畝糧秋風從

西起翩翩向南翔昔爲黃口兒今爲烏衣郎辭巢謝主人華屋恩難忘願主壽千歲歲歲巢君堂 袁袞燕詩

曰最愛堂前燕高飛忽復低趁風穿柳絮冒雨掠花泥簾影朝雙舞梁塵晚竝栖綠牕離思切腸斷各東西

原賦晉傅咸燕賦曰有言燕今年巢在此明年故復來者其將逝翦爪識之其後果至焉燕于飛差池其羽何詩人之是興信進止之有序秋背陰以龍潛春晞陽而鳳舉隨時宜以行藏似君子之出處惡焚巢之凶醜

惠林野之多阻諒鳥獸之難羣非斯人而誰與惟里仁之爲美託君子之堂宇逮來春而復旋意眷眷而懷舊一委身乃無餘豈改適而更赴 盧諶燕賦曰爰集崇

宇依於其榮布窠巢之列列孕子鷇之嚶嚶銓先後而均哺邁尸鳩之能爭於是族類偕長雌雄俱逝頡頏水湄下上雲際嘲哢間關倏忽澌澌來如隼擊去若鳬跂斗建午而子指日在戌而後憇 夏侯湛鳬鳥賦曰觀羽族之羣類美鳬鳥之翔集順陰陽以出處隨寒暑而

遊蟄擢翾翾之麗容揮連翩之黝翼挺參差之修尾發
緇素之鮮色及至大火西景商風吹衣遂匿形於深穴
歛六翮而不飛含靜泊以充飢翕至和之精粹澹恬心
以去欲故保生而不匱虞衆物之爲害獨棄林而憑人
不驚畏以自疏永歸馴而附親有受祥而皇祇故遺卵
而生殷惟帝皇之嘉美置高巢以表神類鸞皇之知德
象君子之安仁爾乃銜泥構巢營居傳桶積一啄而不
已終累泥而成屋拾柔草以自藉採懦毛以爲蓐吐清

惠之冷音永吟鳴而自足 增唐樊晦燕巢賦曰頡頏

金屋差池翠宮銜泥繞棟度勢巡空憐綺牕之華影愛
羅幌之春風得地相賀分飛就功廣狹殊軌規模不同
散彩彬斑攢文湛濬疊輕蕊而矜暖布重泥而訝濕迹
似連珠形如聚粒霽光分曉出虛竇以雙飛微陰合暝
舞低檐而竝入 侯喜秋燕辭巢賦曰雖華屋之可戀
怯高巢之夜冷得不上下其音翩翩翻其影乘秋而發且
有便於風高養羽既成亦可知其路永

原頌晉傳統妻辛氏燕頌曰翩翩鳥鳥載飛載揚頡頏
庭宇遂集我堂銜泥啄草造作室房避彼秋隘處此高
涼孕育五子靡夭靡傷羽翼既就縱心翱翔顧影逸豫
其樂難忘

御定淵鑑類函卷四百二十四